

小重山房初稟 二



10176

序

京師首善之地四方冠蓋萬國車書之所會歸蓋自黃帝命
地典受州絡唐堯命羲和掌方岳惟茲冀幽之郡辰山襟海
建饒中夏易稱嚮明而治禮稱辨方正位帝王所居莫大乎
是湖自遼金以前割據朔方未遑統壹海內泊乎元及有明
制度規模日增其舊山川文物踵事而新雖戢香菟掇不乏
成編而篇什流傳則元人楊允孚灤京雜詠外罕有聞焉此
吾友元卿京畿雜詠所由作也君閱覽博聞勤於鉛槧所著
小重山房集久矣不脛而走頃復取秀水朱氏日下舊聞貫
弗裘績獨出機杼得詩百二十首間以示予其据事也覈其
取材也精其摛詞也典以雅其寄興也遠以深自隆古以逮
勝朝由京邑以迄畿輔上自朝章國故因革損益之大下及

序

形勢阨塞民風土俗之宜旁羅山林廟隧金石藝文之著靡
弗條摭件繫緯以絃匏讀之可以攬古今攷盛衰鏡得失垂
法戒微特寬記瑣聞卮言軼事足資吟諷之助而已以視宋
會極之於金陵許尙之於華亭張堯臣之於嘉禾明唐之淳
之於會稽各有覽古百詠吾知其必並傳於後無疑也抑竹
垞舊聞一書乾隆間經館閣諸臣重加釐訂於原書所引諸
篇籍刪補勘證實事求是又增入苑囿官署等門冠以

列聖奎題鴻模鉅構炳煜乎日星自古紀述都京未有如是
之美且備者君以優閒麗都之品卓犖娟雅之材盍更奮藻
摛華揄揚鼓吹繼班張之著述變盧李之風裁播之藝苑奏
之

闕廷夫豈僅王建宮詞與臨安舊事之作所可望塵躡景也

哉嘉慶二十年歲次乙亥夏六月元和蔣廷恩序

序

二



小重山房初稟

華亭 張祥河 元卿

詩四

京畿襍詠

秀水朱氏日下舊聞摭拾羣言自謂竊取衛正叔集說之義惟恐著書不出乎前人余以客居多暇往往游心訪古又局於咫聞手是書不啻陳蹟瞭如因取其可入詩歌者成襍詠百二十首非敢別侈新奇聊附是書之簡末已爾

車騎南來霧掃空軒轅臺古接層穹吹將一夜燕山雪仙李

詩懷寄北風黃帝用車戰蚩尤用騎戰蚩尤作大霧帝作指南車李白北風行燕山雪花大如席片片吹落

軒轅臺

小重山房初稟 詩四

霸圖碣石感茫茫舞鼠流星異代詳不見黃金求駿骨空聞

酒脯出明光漢始元中流星下燕元鳳元年燕有黃鼠銜尾舞端門中王使吏以酒脯祠之

十郡兵連壁壘雄邯鄲何事處深宮中與若論雲臺將牀下

應推第一功耿弇從光武北至薊會中亂光武遂南馳弇定涿郡遂及光武於廣阿後王郎平光武居邯鄲官奔入造牀下請歸幽州發兵

劉虞作牧罷邊屯士庶青徐集薊門劔戟初銷農器在可堪

赤炬突公孫後漢劉虞拜幽州牧罷省屯兵勸督農植青徐士庶避難歸虞者百萬餘口公孫瓚與虞相忤

虞俱瓚為變舉兵冀瓚虞兵不習戰又愛大屋勸令勿燒故瓚得放火因以精銳衝突虞時大潰

箕子城邊望氣佳伏尸藏戶運多乖當時却笑王彭祖親見

牛羊走六街晉王浚領幽州刺史謠曰幽州城門似藏戶中

驅牛羊數千頭聲言上禮實欲填諸街巷使兵不得發執浚斬之勒每被一州必簡別衣冠號為君子城俗訛箕子

十萬貔貅統季龍密雲山畔陣雲封誰知簡別衣冠後銅馬

千年鑄慕容石季龍統步騎十萬伐鮮卑段遠長驅入薊四
五年慕容儁僭晉即燕王
位立銅馬象於薊城

舳艫輓粟達神倉鳳盖龍舟水驛長睥朔宮前驍騎在豈宜
留守虎賁郎煬帝自江都行幸涿郡帝御龍舟渡河大業九年

孫佺北伐失天時猶賦周宣六月詩八萬弓刀陳隊出烏鴛
食肉後軍隨佺為幽州都督五月北征薛訥與之書曰季月

安史鳴張事少成朱劉虎踞在紛爭中朝一賜浮屠服幢節
頻番撤大營朱滔以祿山推劉惔總軍事後劉總上疏願奉

朝請拜總檢校司徒兼侍中賜浮屠服號大覺榜其第為佛
祠約已自疑融讓節城俄幽州亂詔以劉悟為節度使而流

未可復取拜克融為幽州盧龍節度使
小重山房初臺詩四

晉陽聽唱凱歌旋早失檀州眾五千少日佛幢妖夢踐開平
空鑄守光錢劉仁恭微時嘗夢佛齋白手指飛出占者謂有

外將兵入執仁恭幽之貴後果為幽帥子守光梁開平元年自
天晉遣周德威攻燕守光率眾五千夜出將入檀州德威邀

擊破之以百餘騎逃歸旣禽以
練新仁恭父子凱歌入於晉陽

乘勝井門下薊城城南掘蟹兆休兵寶光寺外屯豪寨擐甲
誰為辨角聲宋太宗北征幽州駐蹕寶光寺軍士掘蟹以獻

豪寨總管善風角一夕角聲送風
至碾促今擐帶口寇至之兆也

常勝遼軍報怨遲重兵看壓易州時男兒斗大黃金印此語
傳聞郭藥師契丹以藥師為禪將領常勝軍本謂之怨軍始

然女真入則怨軍從之退則復服女真嘗報怨藥師首以深謝
降宋諭所部曰宋天子弔民伐罪重兵已下易州此男子取
金印大如斗時

也眾皆響應
風官五百一時增倍道銜枚戰氣騰後夜迎春門上望四軍

燕冢已先登常勝軍其下有四將號風官每風五百人後曾入燕之策選輕騎夜半渡盧水銜枚倍道至三家店次日常勝軍奪迎春門以入大軍繼至陣於闕忠寺藥師遣人諭蕭塵起必有救至諸將皆謂延慶遣兵來助登高望之則燕王家上立四軍旗矣

納款球場甲仗新捐燕議肯虎狼馴一從媼相行軍後睥睨

南朝有女真宣和將伐燕用其降人馬植之謀以契丹舊財土地歸我及阿骨打師自居脣取遼地分之子女鳳門寸山河納降宰相左企弓上阿骨打詩君王莫聽捐燕議一寸山河一寸金遂有取盟之意先是政和初遣使覲國童貫實行遼之君臣相顧竊笑已譏南朝無人北事既興並付戎律未幾副以蔡攸易以譚稹驚怯尤甚於是女真之異志興矣

宮闕圖成上有司貞元燈夕宴瓊卮黃沙吹到場城暮百本

紅蓮滿鳳池金海陵場王謂右丞相梁漢臣曰朕栽蓮二百栽蓮主曰依卿所請擇日而遷黃沙之地非帝居也天德三年乃詔張浩等增廣燕城有司官室制度四年冬率百

小重山房初稟詩四

官自會寧府遷都於燕貞元元年正月元夕張燈宴丞相以下於新宮

南館班荆北燕賓提攜漢節國書憑萬王若聽羣臣議可許

生還范至能宋人與遼金通問各設國信使北有燕賓館南有班荆館淳熙中范至能使北李宗令口奏金

語至金庭既進國書徐出袖中書以奏金之羣臣或不平議

羈留使人金主乃葛王也

雁塞龍沙帝運扶休誇晉代賦三都明昌遺事還能憶突過

瀟湘八景圖元人詠金明昌遺事有燕京八景

鳳樓燈火萬人家賜酺年年望翠華三十六熊親射得君王

九月獵黃花遼景宗保五年御五鳳樓觀燈聖宗開泰五

至夕六街燈火如晝與宗重熙五年九月獵黃花山獲熊三

十六冬十月幸南京御元和殿以日射三十六熊賦幸燕詩

試進士

于延

罷舞銀貂小契丹起歌聲築酒初闌紫濛盡是南來客莫使

鷓絃一再彈遼曲宴宋使酒一行鶯篋起歌酒三行手伎入酒四行琵琶獨彈然後食入雜劇進

獨下遼東一翅翔鷓鴣聲裏縛降王神功付與淮西筆十丈

穹碑倚夕陽金韓助作太祖啓德神功碑當世稱之

玉虹跨水引西流飲馬龍津塞艸愁不道好風吹夢醒掛瓢龍津橋在燕山宣陽門外以玉石爲之引西山水灌其下金大安殿基元時爲酒家壽安樓

人上壽安樓瓊華仙島麗朝暉太液芙蓉泛夕霏猶瞻妝臺舊時月廣寒

依約鳳笙歸壽官有瓊華島絕頂廣寒殿草宗爲李宸妃建梳妝臺

蠻韉結隊走香車射柳弓彎落月斜秋夜吟成趙文孺金鍾

酒直賜天家大定三年以重五幸廣樂園射柳皇太子親王百官皆射勝者賜物有差復御常武殿賜宴擊

毬自是歲以爲常道陵中秋賞月瑞光樓召趙汝誠詩大加賞異手酌金鍾以賜日字之迎佛過南柳街頭齊握粟桂薪

不須良獄問宣和香閣朝看日佛過南柳街頭齊握粟桂薪宸妃賞菊於東明園見屏間畫石和良獄問內侍余琬對曰宣和帝迎東南花石築良獄致亡

分給四城多侍余琬對曰宣和帝迎東南花石築良獄致亡

小重山房初稟詩四

其國先帝命圖之以爲戒妃怒曰宣和之亡不緣此石乃用童貫梁師成故爾蓋譏琬也金自大定二十五年宰相入見於香閣承安四年章宗御宣華門觀迎佛大安三年大軍攻南順門完顏天驥設拒馬於南柳街縱其入以禦禦之崇慶元年大軍至城下一城之薪折絳綉殿翠霄殿瓊華閣林木分給四城

大安樓閣映龍旂鏗漏雲中曙色微並御三宮天仗列千官

齊着只孫衣前代未有帝后並臨朝者惟元則然大安閣在元親王及功臣侍宴者別賜冠衣謂之只孫華言一色衣也

官妝新服尙高麗素指琵琶藝出奇莫奏酒神仙一曲殿前

空憶史驪兒元制歲責高麗貢美女至元中李宮人善琵琶無敢諫者一日御紫檀殿飲驪兒歌殿前歡曲有酒神仙之句上怒叱左右殺之後悔曰驪以酒誑我也

萬卷藏書購一椽經師鄭閱侍忠宣海東乞得皇朝賜脫笠

吟詩御案前高麗忠宣王爲世子時入朝師儒鄭可臣閱讀以御案前酒具賜飲可臣獻詩

有願將千歲壽醴及海東人句

樂石奎章灑翰來題名華直遊臣陪閣中誰篆宣文榜康里

當時解愛才文宗開奎章閣延登儒流入侍燕閒萬幾之暇

以天厯之寶學士虞集博士柯九思常侍從以凡墨法悉識

畫為事置羣玉內司專秘玩詔陳旅作華直題名記至正

間改奎章閣為宣文朝臣咸謂必命鑾轡書榜是時周伯琦

善篆書未為上知鑾轡書遂以伯琦

琦薦下筆稱旨由是進用

千文書勅管夫人秘省裝池玉軸新試問鷗波亭畔柳天恩

許作一家春仁宗嘗命管夫人書千字文勅玉工磨玉軸送

雍亦命書婦人且一卷且曰今後世知我

朝有善書婦人且一家皆能書也

禁衛森嚴擁九重分排鵝序聽晨鐘瓊枝那敵椒蘭貴豹首

難攫劍鏑鋒元初序朝親王謂之瓊枝班外戚謂之椒蘭班

高秋飛放置鷹坊天馬騰驤貢拂郎自進番僧青鼠帽天魔

十六舞成行至大間立鷹坊為仁虞院親幸近郊縱鷹隼搏

以爲圖順宗數命西僧作佛事官中以宮女三聖

奴妙樂奴文殊奴等十六人按舞名十六天魔

晉苑羊車幸阿嬌隋家螢燭照通宵春風曲宴棕毛殿落日

行吟海子橋宮中制五雲車車有五箱以火樹為櫺式烏陵

箱爲妃嬪坐每時夜游幸苑中御此

以行不用燈燭泰定二年作棕毛殿

燕邸經營瑞應符冰開玉沼現浮圖蜀中萬里名材貢神木

輪囷出馬湖永樂鼎建北京官殿時瑞駕浮空金水橋河冰

二十卷將營北京神木出四川馬

湖山中命禮官齋香帛往谷神麻

西苑侍瓊筵初英廟在南內悅其幽靜既復位數幸焉因增

年有旨賜公卿大

臣以次游西苑

金海橋頭蓋豹房虎城西北勢巍昂諸軍一色黃鼠甲新設

團營內教場正德二年蓋造豹房上朝夕處此不復入大內

虎城在中海橋西北上好武特設東西兩團營

小重山房初稟詩四 五

自領騎射為中軍諸軍悉衣黃鼠甲巾
外化之雖金緋盛服亦必加此於上

宮扇龍池駐玉鑾內家新築采桑壇親蠶昉自周官制浸任

譏彈到禮官明初無親蠶禮至世宗乃更定祀典初築親蠶壇於安定門外後改築壇於西苑仁壽宮側東

為采桑壇左
右樹以桑

雷壇夜醮玉繩低警服雲璈別殿西無數青詞齊進御中書

珥筆屑金泥世宗居西內事齋醮一時詞臣以青詞得寵眷者甚眾門墮皆以金書屑為泥練筆中書官預

備大管此筆令滿凡訖書或易
數十管袖中金已得數十銖矣

司禮傳宣駕帖持錦衣列校坐丹墀朝臣誰具椒山膽天上

春回土氣衰廷杖午門外列校百人司禮監宣駕帖訖坐午時夢受杖仰見一額懸天上春回四字後在給諫論嚴嵩父子詔廷杖六十恍惚前夢作詩云九重天上春回日二十年

前夢裏身

浮玉飛香四照花趵臺西望綠陰遮史臣焚臺芭蕉苑夜夜

小重山房初臺詩四

文光結彩霞西苑南有芭蕉園養花上供地旁葦飛香浮玉二亭亭南有趵臺寶錄成輝日進呈焚臺於此

窄衫唐帽舞徘徊官戲熙春玉作臺報道汴梁軍失守綵舟

無復水嬉來玉熙宮在金鰲玉鍊之西慈帝每宴作過錦水大櫺而罷

折糧石古聳孱顏鑿戒亭空曲水環怕見宮人眉黛鎖踏歌

聲繞兔兒山小山在仁壽宮元人載此石自南至燕每石一準糧若干俗呼折糧石嘉靖間葺一亭曰鑿戒亭天啓幸兔兒山鐘鼓司執板唱洛陽橋記攢眉黛鎖不開一闕宮人相顧以為不祥

金家兀朮有遺宮翰苑春依御苑東雙柏常懷柯學士繞林

百匝見清風元時翰林院以金兀朮第為之明初建宮以翰林為近侍故公署雖在外而僚屬相聚恒在館閣至正統七年詔建於長安左門外玉河西岸柯潛既綜院章就詞林後圍結清風亭

星毬蓮炬盛元宵東掖門前燈市饒聽取喧喧街鼓動一年

春色在三橋自正月八日至十日鷺燈為市

大慈恩寺載更名演象長安典禮成廟祀初移姚廣孝碑文

猶識党懷英慶壽寺亦名大慈恩寺俗呼演象所金党懷英八分書慶壽寺碑正統中為漢象所毀初文皇欲為廣孝建第固辭竟居慶壽寺後以功配享大廟嘉靖九年廖道南疏請釐正乃撤主移祀寺中

一代東林結社新黨碑羅織更何因特嫌講學分門戶翻使

生祠媚厥臣首善書院在宣武門內天啓初鄒元標馮從吾與都人士講學之所葉向高撰碑董其昌書黨禍起魏忠賢矯旨毀天下書院

北海風雲落筆成雲塵斷碣墨庚庚萬牛輦致官齋裏古榻

摩挲李宛平良鄉縣有雲塵將軍碑為學博壘為柱礎聞人董生見之言於宛平令李蔭蔭委曲致書輦致

黎惟敬王敬美皆有記

乞夢人來泡子河幾家華屋愴經過米齋賸有非非石竹渚

松門落照多泡子河北有呂公祠以乞夢有驗歲大比士子爭往焉河濱顏園廢圃多置不葺米氏萬鍾好蓄奇石其最著者為非非石自題

淇園詩閒雲歸竹清落日深松門

小重山房初稟詩四

冰華梅史署芳名新樣觥籌翦葉成走馬黃華坊下過柳枝

猶解舞輕盈萬恩間水華梅史以燕都妓女配葉子東院十人西院四人本司五人前門十二人梅史者

浙沈水部託名也

佛火梅檀問石燈王恭厥憶劫灰曾何如唐代悲田院蠟燭

幡竿守寺僧石燈卷萬恩丙午西吳僧真程自雲樓來居發古覺下得石幢一式如燈臺旁鑄殿若心經係唐廣德年物乃以名卷迨王恭厥火庵亦灰燼蠟燭幡竿二寺即唐時悲田院置病坊以療丐者

城外諸山遠黛侵署中落日晝愔愔白雲樓上題詩日豔說

西曹外翰林嘉靖間李攀龍輩官西曹建白雲樓於四川司論詩其中李詩有云諸山城上出落日署中寒

時人目刑部為外翰林

居士當年日湛然至今甌塔萬松傳瑤琴彩扇宮中物愛附

新詩寄白蓮材元間有僧自解萬松野老居從容菴耶律楚材見之衆學三年僧以湛然居士目之居士嘗以承華殿春雷及孔雀便而附詩寄僧為法門佳話

乾石橋北觀塔七級其頂有石額曰萬松老人塔

西方顛氣應金商白塔垂成遼壽昌妙相曾聞開五色冷烟

殘爐弔荒涼相傳西方屬金故建白塔鎮之同時元創有五色塔

柴市忠魂一死廿廬陵歸葬信公龕北來粟主崇祠廟請看

遺編識指南大德二年宋丞相文信公繼子陞至都見石橋僧塔其大塔小石碑刻信公二字遂以歸葬廬陵

獵碣嵯峨太學旁重瓊裹載橐駝裝却思定武蘭亭本贗鼎

誰為辨靖康靖康之亂金人取石鼓及蘭亭叙重瓊輩至燕石鼓在國學而蘭亭不知所在

淨業湖邊鰓菜亭蓮花對鏡寫娉婷春風省識怡雲面水調

歌成取酒聽張怡雲能詩詞善諧笑名重京師趙松雪商正叔高房山為寫怡雲圖以贈閻靜軒姚牧庵借史中丞飲於其家張取酒壽怡雲問貴公子玉骨秀橫秋水調歌一闕史大加賞盡取金玉酒器酬之

響牖潮迴漑稻田西涯別業越橋邊紵衫雙履公遺服當日

奇童舉最先李長沙別業有西涯十二詠當在越橋相近其賜第久拆為民居嘉靖乙酉麻城耿公定向首

小重山房初稟詩四 八

議贖還為公祠祀公像有雙履一粗紵小衫公桌奇童時著以見景帝者歌為具篋撰文藏之祠

三仙千佛護梅檀往日沙隄此戒壇一代功臣推佐命英姿

猶見進賢冠大隆善護國寺有三仙千佛之殿寺為脫脫承相故宅殿旁立一老髻幘頭朱衣一老嫗鳳冠

朱裳者脫脫夫婦也

伽藍趺坐悟前因祝髮頭陀帝舅親報國門前松作蓋百年

已長老龍鱗孝肅周太后有弟吉祥兒時好游去家嘗宿報國寺伽藍殿太后夜忽夢伽藍來告英宗夢亦

如之遣小黃門至寺物色遂擁以行后為泣下曰吾弟出家何如皇親貴耶吉祥曰即皇親貴何如出家樂還寺厚賜之

憲宗即位為建大慈仁寺賜莊田無慮數百頃

娘子能軍氣自豪頓教邊帥媿戎韜即今指點屯兵處空說

思陵賦錦袍四川營傳是秦良玉屯兵處

將士征遼去不還憫忠高閣暮雲間蕭蕭易水興亡恨來弔

南朝謝疊山坊得至京師問謝太后携所及瀛國公所在再拜慟哭已而病遷憫忠寺

印公請爲粥飯頭湛然乃作功德主城南結構坊遼金革律

從禪多淨土湛然居士三學寺疏粵三學之巨刹冠四海之名藍今改僧而舍尼遂從禪而革律遂印公爲粥飯頭請湛然作功德主張翥詩南城多佛刹結構自遼金

披雲樓上章宗筆藻井輝騰墨采鮮回首鹿園遺址在纍纍

野冢蔽荒煙披雲樓在城南金章宗題額鹿園在大通橋東古樹偃仰與高冢相錯傳爲明昌故址

圖規太極建祠堂伊洛傳薪到朔方相國尊師雲夢趙諸生

聽講北平王太極書院立周子祠元中書行省揚惟中建詩雲夢趙復爲師儒右北平王粹佐之

廉園休沐宴游頻萬柳垂垂別有春未肯將花丐恩澤當時

愧煞乞花人營繕東宮工部官乞牡丹數本於廉公公曰我早事聖主備位宰相未嘗曲丐恩澤方爾病退

願以花求媚耶請者媿止

禪學元初判二宗萬松行派更延洪上乘不會牛車喻大衆

閑堂拜智公智公叅萬松者開堂住報先寺

穹廬十載奉三宮勅賜黃冠異數崇愁絕抱琴辭幼主幾人

祖道泣秋風錢唐汪元量以善琴受知宋主國亡奉三宮留燕甚久世祖嘗命奏琴賜爲黃冠師南歸時少

主平原公以下及官嬪十七人咸賦詩餞其行

元明宮起自權璫護勅戟碑大道旁堪笑然臍成底事李貓

趙鹿總茫茫劉瑾奏請於朝陽門外作元明宮

土城之址古薊邱寺名黃土村白浮登臨曾奉上皇駕飛雨

過時滄海秋出德勝門八里爲土城元之舊也正統十四年瓦剌也先奉上皇車駕登土城

賢樂堂前燕喜亭春秋蹕路幾回經去天尺五皆韋杜不數

移花草木靈延祐四年詔在林園於大都健德門外以賜太保曲出且曰令可爲朕春秋行幸地受詔闈月

而成趙孟頫名其堂曰賢樂亭曰燕喜

嗣師新種梅花地習靜閒亭額漱芳不見詩人張伯雨壺中

跳入夢堂堂燕地未有梅花吳閭宗師全節時爲嗣師新從江南移至護以穹廬扁曰漱芳亭伯雨偶造

小重山房初彙詩四九

其所恍若與西湖故人遇不覺熟寢於中既覺嗣師笑曰伯
雨素有時名宜作詩以贖過伯雨遂賦長詩有風沙不憚五
千里將身跳入
仙人壺之句

黑松林外夕陽催廟賽人歸取醉來共話東征巖宿衛此間

曾築荒糧臺元建東嶽廟在東郊松林唐太宗征高麗嘗屯兵於此虛設困倉以疑敵人俗呼其地曰荒糧臺

金魚館裏酒常賒騎馬城東看杏花後輩誰思虞閣老香羅

題句按紅牙虞道園城東觀杏花有酒向金魚館裏賒句當時同游者歐陽元功陳衆仲揭曼碩諸公葛邏祿易之詩最憶奎章虞閣老白頭騎馬看

花來是也又嘗賦風入松詞題之羅帕看

大通橋引玉河清誰鑿長渠不日成聞道大師躬畚鍤迅看

轉漕達皇城至元二十八中都水使者請鑿渠西導白浮諸水經都城東入潞河上亟欲其成又不欲役及細民刻日使單太師淇陽忠武王率其屬捺谷鍤依刻而渠成賜名通惠河

韋公莊前樹環列春時作花望如雪顯靈官柏戒壇松素柰

小重山房初臺 詩四

城南井三絕韋公寺明武宗朝內侍韋雲建寺後有柰子古城南柰子可稱樹婆娑數畝袁宏道嘗謂戒壇老松顯靈官柏井木中三絕

舊吟白苧脫烏紗野屋重來酒旆斜喚起故人搖落感東臯

空憶趙匏瓜元大都園亭多在城之西南惟趙參謀禹卿匏瓜既亭在城東故曰東臯禹卿種匏製飲具當時日曰趙匏瓜既逝王秋澗弔其墓復有飯瓜散落之句

百泉溪涌柳村遙十里豐臺接草橋重五中元重九日拜郊

舊典源前朝拜郊臺金大定間拜天於此金因遠俗以三節行拜郊禮

大布詩囊貯古春釣臺得句慣驚人相傳隱者王飛伯御氣

騎風七尺身王鬱少居釣魚臺潛心述作爲李欽叔所知嘗以布爲囊不當世名卿詩投其中

哀忠有墓弔從亡蕭后河隄志運糧同向天慨陳蹟石幢

何處問開皇白雲觀西十餘里爲唐太宗哀忠墓西南五六里爲蕭太后運糧河泯滅無可問天寺隋開

皇石幢久失所在即

元舊碣亦無片石

持牒招徠活萬人至今燕九祀長春雪山蒿目干戈起敢乞
神仙自在身邱處機應召雪山太祖方有事西征拳拳以止殺爲戒太祖深契其言賜號神仙特國兵踐蹂中原河南北尤甚處機還燕持牒招來全活不下三萬人

范金搏土藝尤精西域莊嚴梵相呈被召奇工劉正奉道園
集裏舊知名至元七年世祖始建大護國仁王寺求奇工爲佛像得劉正奉於黃冠師正奉從阿尼哥學西天梵相神思妙合遂爲絕藝道園爲作劉正奉塑記

國花堂畔客攜尊雙柳陰濃綠到門自是茶陵舊游地松楸
遙認畏吾村極樂寺有國花堂李東陽墓在畏吾村與寺相近

不分番經與漢經九蓮菩薩是前身君王奉聖安閣宰堵
波中夢境新明有番經黃經二殿慈壽寺神宗爲慈聖皇太后建後爲安閣初太后數夢九蓮菩薩授經

五侯臺榭綺羅嬌南北分流淀海潮十里芙蓉湖作鏡風煙
覺而一字不遺因錄入大藏中

不減段家橋高梁橋西北有泉瀟爲小溪凡數十處北爲北海淀南爲南海淀

宣廟西行輦仗過開山功德玉泉阿本毬使者誰傳信日募
金錢得幾多功德寺宣廟西郊省儉駐蹕之地寺初興時板庵禪師能役木毬夫如斗不脛而走逢人躍地如稽首入侯門戚里募金以建巨刹人呼木毬使者

不是松烟盡墨材玉泉萬笏抵瓊瑰瓮山五畝宮何在付與
披榛話劫灰金季楊文秀以善墨聞其法不用松炬而用燈煤季彬得其遺法授耶律楚材楚材授子鑄使造萬九銘曰玉泉萬笏耶律墓在瓮山南麓

白雲深處是公家學道山中兩鬢華一笑平章騎鶴夢玉霄
戲筆枉爭誇白雲平章求仙西山頂一日偶出滕玉霄訪之戲題其壁云振衣長嘯下山去後夜月明騎鶴來竟不留名白雲公疑呂仙過之朝野輻奏

冶銅百萬鑄金容卧佛禪床碧蘚封祇有娑羅兩株樹長鳴
籠賚山積後知爲玉霄題戒以勿泄厚賂之

風葉答疎鐘卧佛寺銅像成化年造

小重山房初稟詩四

七

會景樓頭夢感泉來青霽色鼻爐煙幾重臺指祠星處百尺

松傳護駕年西山一帶香山獨有翠色明神宗題軒曰來青

夢感泉又云寺即章宗之會景樓也

西山三百七十寺金碧輪成劫至尊惟底藏經晏常侍不崇

釋教重儒門正德中內監晏忠建石室琢瑪聖名賢像又小石室中題函五經書史

盧師卓錫尸陀林大青小青龍子馴曇雲一夕飛作雨秘魔

跌坐驚天神隋末有僧名盧自江南來寓西山之尸陀林秘

之時久旱二童子白於師能施雨即委身龍潭化二青龍俄雨大注事聞建寺曰盧師正統更名清涼寺

木葉續緜繞曲房畫眉奇石問齋堂何人攜笈修京志可惜

遺書失豫章齋堂村在西山之北產畫眉石處也元豫章龍自得借崇真張真人往居換燕京志歐陽元功

張仲舉皆

有詩送之桑乾激箭濁流黃跨海虹腰架石梁當日誰開古金口渾河

小重山房初稟詩四

未見集帆檣至正二年李羅帖木兒傳佐建言古金口創開新河接引海運至大都城內輸納廷臣多言其

不可興工至四月功畢起開放金口水流湍勢急沙泥壅塞

船不可行卒以無功御史劫建言者李傅俱伏誅

仰山峩峩萬仞梯蓮華峯在西山西寶坊游人鮮能到時有

真隱來幽棲趙松雲仰山棲隱寺滿禪師道行碑銘峩峩仰山如青蓮華中有寶坊古佛之家先是泰和中

萬松老人嘗奉詔住持仰嶠

妙巖公主拜甄留佛殿雙鳴古樹秋九點烟中潭柘寺問名

還不後幽州潭柘以一培塿當羣山心九峯辰而立焉兩殿鳴工絕金元時物也元世祖女妙嚴公主創髮

居此禮觀音不輟拜輒雙跌隱然孝定太后函取入覽後復送歸寺中燕人諺曰先有潭柘後有幽州此寺之最古者

峭壁噴嵒鶴子迎山花照耀瑞雲明內家親賜金龍祇珍重

摩訶煑石鐺鶴子山三里餘度百花山山多奇石有不可識者瑞雲寺摩訶煑石鐺宣宗曾取視賜以龍祇

寺歸

劉李河源聖水環塔窪村北黯榛菅秦鞭無力驅頑石枉遣

孤雲出故山劉李河卽琉璃河米仲詔思致房山石於海澱之田間覆以葭屋於是先生作大石出山記

枯溝宿草想英風安次屯軍壁壘雄試向飛虹橋上望當時

留飲晉司空劉琨墓在東安縣東

通潞亭邊通惠祠張灣估舶集參差回看放鵲擒鵝處猶唱

漁歌答柳枝遼聖宗常幸潞縣放鵲擒鵝

半醉半醒過半夜三更三點到三河宮中賜宴傳佳話未要

晨鐘送玉珂脫脫將赴三河陸辭元主錫之宴至夜分起曰臣明日行亦不必早

三更三點到三河明

至元增置直沽倉津鼓三山出大洋一自定都初建議金符

萬戶寵朱張海運建議於丞相伯顏朱清張瑄同時授海運萬戶府

盧臺南去玉爲田聖母廟在盧臺昔教土人煮鹽之法

粹繚晚風前聖母廟在盧臺昔教土人煮鹽之法

相臣首領仁虞院鄒鎮臺高起瞭鷹本是延芳游獵地五雲

盧帳望陵嶒元人以鷹坊爲仁虞院秩正二品使首相領之歲游獵多駐瞭鷹臺遼延芳旋亦在鄒州國主

春獵每幸於此

三分帝業限偏安故里樓桑覆蔭寬却憶桓侯從百戰橫矛

長坂走曹瞞涿州樓桑村漢昭烈故里張桓侯宅亦在州西北桃莊

薄宦流離遠劔南房山今有島仙庵狂吟未謫長江簿落葉

聲中寄一龕房山西峪有石庵是賈島故宅人呼賈島庵

涑水東分大小巒休明隱處水經詳招魂六聘山前路表墓

何人盧道將大房山南晉霍原隱處魏盧道將爲燕郡太守表其墓

石經刻石壽千年慧業祇林靜琬傳玉匣金瓶貯舍利題

題

直是小西天房山西懸題山亦名小西天藏石經千年矣始自隋僧靜琬刊石十二部後其徒續成之唐

宋連金功始成其半焉經時於岩洞者七地穴者二洞以石門開之穴以浮圖鎮之又藏玉匣金瓶安置佛舍利三顆萬

太后辰有僧芟除谷洞發視聞於慈聖

尚書間氣鍾西域筆下青山老更蒼過眼煙雲推米虎祇今

殘月射羊岡高彥敬墓在房山羊頭岡

處士金儒斲玉琴湘絃拂拭古桐陰薰風一奏宣和御來伴

房山作賞音彥敬蓄琴鳴玉唐大中五年處士金儒斲乃宣和御府故物

皎月銀河借鐙燭松風石溜作笙簧上盤雲氣中盤接紫蓋

峯高佛日長盤山以古佛盤先生得名

將軍獵騎出軍門伏虎林中怪石蹲想見瑀弓開滿月不知

沒羽向雲根李廣射虎石在北平故城

趙鄧真書並擅名搗來裙屐草堂成閉門自得支離叟相對

小重山房初稟詩四

霜姿鶴樣清漁陽鮮于樞得怪松一株移植所居名曰支離叟又作霜鶴堂落成之日會者凡十有二人

嘗聞種玉陽翁伯得遇天神輦水時後日雲中雞犬約故教

白壁繫紅絲玉田以賜公種玉事得名

灤河北繞古鹽城萬斛湯泉澈底清持與驪山較溫冽銅龍

噴雪一春晴遵化湯泉最溫

司戶舍忠下第年昌平俎豆領池邊太和早納干言策何至

西州痛播遷劉蕡祠在昌平學宮

檄虎文章信有神梁公遺澤及斯民行軍河北思棠蔭豈直

燕匪薦白蘋唐狄梁公為昌平令有嬖子死於虎來訴公為文檄神翌日虎伏階下告於衆殺之土人思公

不向松亭出柳河翻令紆轡石塘過東都博雅驚劉徹莫示

雄關薊鎮多劉徹使契丹素知北方疆理契丹導自古北口往敵曰由松亭趨柳河不數日可至何廷珪若

是契丹不虞敵
知相顧驚媿

茯苓賦好誦師儒持節燕山景物殊恠底夢中尋蜀道不知

瓊囊識三蘇

元祐間蘇轍嘗使契丹館客者學士王師儒能誦洵賦之文及轍茯苓賦

濟州漢刻在巽宮誰起沈碑泗水中金石編成三萬軸英瀾

文海昔稱雄

梁九思世居幽州天厯間奉勅河南北得漢刻九通於泗水中共錄金石三萬餘通上進其副

曰文海
英瀾

秦負嶠函蜀劍門嶢嶢一束限中原古來烽火幾征戍戈鐵

難招壯士魂

嶢嶢卽居庸轉音薩都刺詩夜來鋤豆得戈鐵雨蝕風吹失顏色

彈琴峽口聽流泉絕壁嶄崑一綫天咫尺於今無兩戒銘功

勒石笑燕然

居庸關有彈琴峽水流石罅聲若調琴

小重山房初臺

詩四

五

小重山房初稟

華亭 張祥河 元卿

詩五

奉挽趙少農謙士先生

海上南飛鶴悲風一夜來修文 高廟召 賜被尚方裁

帝念清勤節人知著作才卅年依禁近遺疏有餘哀

嬾雅名千古忠魂裹革還 國恩酬世職公望抗仙班春宴

榮常預 丹毫福例頒澄懷園畔路詩境老蓬山

挽滿雕弧月圍場古木蘭邊塵隨匹騎翠羽上華冠知遇平

生感文人特達難不談温室樹根氣獨盤盤

零落粉榆蔭西州慟更新嘗陪芸閣坐得領錦袍春 辛未壬申陪從

直廬最久嘗寫御詩愉悅游仙夢公病中口占游仙詩賢勞報主

小重山房初稿 詩五

身誰知歌薤露太素愴歸神

移寓董富春相國府中

蕭疎猶整薜蘿襟東第招邀舊雨深花落題詩刪綺語酒闌

讀史贖雄心村雞曙待三更月鄰棗春分半畝陰除是清游

還未倦昨宵一夢寄遙岑 時與友人訂游西山

贈袁少迂

賞音何處聽焦桐王粲依劉客况同卓午花光清夜月茶香

十二研齋中 少迂自署十二研齋

人道倪迂却不迂由來瀟灑脫塵拘追涼一覺江南夢收拾

湖山到座隅

子久丹青妙擅場 黃左田少農師 叔明潑墨更蒼蒼 王子卿侍御 幾人結

獄融川手鼎峙如君亦自強

桐陰滴露向清晨畫得家山看是真老屋三開書萬卷只應

着我自由身近為余作湖莊清暑便面

奉和翁覃溪先生重預 恩榮筵宴

迎暉南極壽如岡時年八十有二晉秩西班荷寵光恩加二品銜早向朝

中扶玉杖重來天上譜霓裳簪花始識春風貴周甲真逾佛

日長先生捷壬申秋會榜至是六十有二年飛蓋銀袍爭看取老臣颺拜 賜

筵旁

笙歌隊裏擁醜醜為寫童顏入畫圖異福中仙還共羨同登

耆宿未全孤西湖尊酒初懽憶謂梁山舟先生東里郵書古搦摹謂

東侯先生原詩自注以摹補張遷碑所闕東里潤色四字銘于鄭子產碑軸寄鄭云云 持與詞林添掌

故宴開千叟紀 恩符

廿八科前首重回櫻桃花發俊英來初聞桂史卿雲奏却詔

小重山房初稿詩五

師門古雪堆先生座主為海昌廩文勤公慧業春多暇淨土靈光望近住

燕臺 兩朝恩遇膺稠渥報答昇平著作才

舊學由來徹 帝聰白頭坐擁百城中文章定價千秋在後

輩論交四海同集篆鴻都金石錄題詩蓬島吉祥風良辰恰

喜鶯遷早倍覺桃源晚照紅原詩自注甲戌散館繙譯陶淵明桃花源詩

偕陸建庵訪王香谷公子仲瞿孝廉

烏衣舊巷易斜陽公子歸來髻髮蒼十載驚波空宦海提壺

却愛綠陰涼香谷為白齋尚書第四公子曾任天津總尹以牽連被劾

仙號端端署萬華年來手植徧天涯仲瞿足跡半天下所至輒多手植自署萬華注

人落梅同是江城感癩向春風問笛家

潼關西去詔游蹤詩句驚人落雁峯今夜月明清客夢定應

飛繞碧芙蓉建庵香谷同游舊游具道華峯之勝

寄春木

迢遞江關暮雲起我所思兮在之子平生詞賦我獨慙三十
行年從此始奇花日邊仙萼胎春風幾度吹不開一朝輦植
傍籬下主人還解提壺來濁酒高歌醉何許英氣垂垂亦醜
沮明知富貴等閒事那結湖山舊時侶炎天赤日火繖擎我
翁又向東南征頻年攬鏡感華髮况乃望子艱成名館閣晨
趨覺顏厚漸拙我謀及升斗烏能抑鬱久居此投筆請纓古
所有君不見詩才雅重劉隨州英初浮沉仙署思漁舟王郎潘
早訪敬亭公畢生子行趣吳門游聚散無端悵萍迹絮絮前
因互拋擲念子葦城白苧吟潦倒應同燕市客側聞史事三
長該惜今未登著作才坐令檣寮埒季野蒐羅放失稱艱哉
塵世知音更誰寄肯忘臨歧珍重意春間北行君以山結習水知音玉章贈別

小重山房初稿詩五

三

清狂強自豪却忍傷春數行淚

集少迂十二硯齋周芸皋太史出示陳受笙孝廉畫冊
愛其頗涉詩境以紙索畫先之以詩

我生不作畫頗識畫中理近入畫禪室讀畫輒移晷性靈亦
泉石所恨如椎指開函出瀟灑懷哉邇之子神明恍千變妥
帖適一是要知潑墨豪墨妙不著紙煖烟抱山骨殘雪帶沙
嘴秋心黃葉多春夢落花始畫筆詩點染詩筆畫驅使古芸
延賞借新雨締交俟客齋十三鏡受笙齋名硯癖笑相似鳳城隔
西東鷗社聯尺咫明當促王宰爲我翦江水

聽雨憶子筠客禮邸

牀牀不辨漏催銅得句懷人聽雨中野興萬家蓑笠聚河聲
一夜舳艫通分苔石上垂垂綠翦燭天涯故故紅知爾掩關

孰寂處也須水語覓寒蟲

追輓康茂園師

讀書熟河渠宣防偉擘畫節麾導清黃徒衆歌鄭白鑿險昧
故道當事叩耆碩載莅仰使星指授下竹石歸休乃大隱乞
言猶前席利便洞剔鬢著述窮烏澤一朝返靈素 九重震
惋惜公志在國是公勛具史冊公福蔚繼起封圻世列戟屬
辭莫贊今知己獨感昔憶公攝郡篆講院觀新闢我試冠童
子千仞收破格入效梁松拜助對卻詵策琴鶴輒陪從時時
詠赤烏開藩駐金陵我復瞻園客高秋節青睞學習鍛霜翻
卯冬計吏偕手狀公喜懌戊己兩下第袁江纓歸舶顏色款
修禮根柢子請益後來索米居公亦葺邸宅垂老概却埽得
侍竟朝夕晉乘輯甫就魚豕付讐核開我抑塞胸罔以境地

小重山房初稿

詩五

四

窄儒先五子書年少服無斃立身守性命文詞特粗迹佩公
贈言重知公與道適隅坐月霽初兀立雪盈尺嗚乎我師表
人天此永隔寢門握涕淚梵剝肅香帛遺編功醜旱海內珍
拱璧晚著河渠志畧迢迢合河濱宰樹營窀窆謝傳成山邱羊曇痛
難釋

菊枕

并序

花之中惟菊能久而壽甲戌秋長椿寺僧擔花入城
一時寓齋皆列瓶盃沃以銅井之水晚登倍滋賦詩
攜酒延賞逾月無何嚴寒戒晨花亦隨萎牆陰亭角
渺焉寡侶余曰嘻得時也如彼失時也如此余歷見
之而余顧不之惜也嘗聞菊有五美流中輕體藉菊
為枕可甦頭目之疾余故思珍而秘焉且消長至日

手自搜采延年美意于是乎取之夫花之于人固無所爲依附也而世之愛之棄之曾不須臾一皆其時爲之幸有知者不以時之得失爲目而以品之傲與潔爲重焉是亦花之能自久也已

初陽吹夢溫白醉坐茅屋霜枝臘清影隱几得幽馥早時插滿頭開後采盈掬搏爲枕中秘花葉紛蔽蔽候律兆緹室延齡壽甘谷壺中日月長一境游仙熟傲世本奇節垂晚惜棲伏美人當青春誰不豔膏沐黃金忽無色秋容亦羞縮時哉良有準佳賞畢公獨見錢起白石枕詩序序爲御史畢耀作寤言矢勿諉書之其可讀

太保贈米南宮真蹟及吾鄉沈文恪王宮詹手書賦謝

墨雲黢黢硯池側井華不春東蟾蝕學書蛇蚓空自憎數瘵

小重山房初稿

詩五

五

揮毫腕無力咄哉奇墨到眼明一夕傳觀受寵驚米齋甘露

沐餘潤粉社清風識老成古來論筆貴神變海岳管城當四

面駿馬宇容羈勒施承恩數上宣和殿烟霞浩浩光采新大

觀紀歲維庚寅可知神物永持護肯使抵壁隨輕塵吾朝

文治興遠瀋鳳閣天門妙題品卽看潑墨塞雲飛八詠詩才

推瘦沈沈冊書出闕詩當時同里琅琊王後先藻耀爭相望丹經鑑

火闡宗旨善本烏絲界密行王冊書來同契三相類瀟灑清道各超絕

一法香光一松雪流傳海上早鑄金想見門前齊裏鐵古芸

發函古色鮮整襟再拜臨池顛知公持贈具深意更令後輩

師前賢八法吾家煥宸翰虹氣東來亘霄漢范氏荒莊誦

舊芬伯孫遺硯增慙汗指先文敏公玉虹樓義莊諸墨刻公書矯健鸞鶴翔

羲獻似復宗元常致身綸閣典樞要奚齒博士徵巖廊冠世

鼎能世難得經國文章衆矜式千間廣厦盡芘寒什襲青瑣
頓生色饒福神仙蝨字魚枕中好秘芝泥書戴山庾信銜恩
重懷筆曹褒媿術疏惟有瓣香具裴几長句吟成輒伸紙他
日真書畫腹工指法金鍼從此始

太保激賞小詩傳示賓客復以先文斂書山雜舞鏡詩
冊暨鷺池硯爲贈且云書冊本君家物其善守之硯則
從余樞直四十年矣感老人宏獎之意謹綴數言以志

私幸

公家與我家三世本雅故我祖掌秋官愛客有積素觥觥文
恪公亦來客邸寓嘗聞蔣徑蔣家開書畫賞禪趣賤子猶弱
草喬柯得所附倒屣禮仲宣懸榻待徐孺前輩說項心爲恩
在咳吐公曰愛汝詩此才真不數我知非詩工公殆掖進步

小重山房初稿詩五

六

海天千頃波涵蓋相臣度歸我祖先蹟完好略無蠹純廟
登極年鴻詞闢賢路命試山雞篇獄中拾奇句是詩審爲
獄中擬作閱

八十冬春光采筆垂露研池復摩挲雙鷺隱水霧下墨金塗
蠟琢手吳趨顧二從公軍機房冊載賀寵遇何爲辱寒穉珍

重此見付近文祇廉隅述德優恩慕使非公愛物幾訝暗投
誤又非公念舊欲啓衆賓始宛宛彩羽翻容容紫雲亘寶氣
萃小齋風月永持護

題畫

春水不斷綠夕陽無限紅閒來停畫檝消受釣絲風
襍樹生夕霏層嵐擁寒翠鐘聲隔澗烟外出蕭寺
火雲千里赤消夏愛江鄉繞郭半楊柳疏疏挂晚涼
潑墨有奇氣銀河下九天人間飛雨徧水閣得秋先

薄暝入空林江雲四山墨一蓑帶雨歸不辨村南北
雲林工設色渲染盡天機古木虛亭外秋風滿客衣

佛手柑

兜羅彈指隱禪鋒粵嶺鬢雲望幾重東第傳來 天賜渥小
齋分得佛香濃卽看垂晚霜花褪恰稱燒春碧釀封奇女拳
開仙掌合是誰削句儷纖穠

寫九芝圖爲王春敷宗伯八十壽

斗南耆宿太平符接武容臺 帝眷孚謂蓮甫侍郎介壽佛增香

祖算入朝 恩許竹孫扶經人師表推臬坐奎璧文光澈玉

壺擬向九華山畔祝仙雲長護九芝圖

題家書後示舍弟

開函先慰遠游心昨夢烟波半舫弟齋名等一曲冰絃纒獨繭

小重山房初稿詩五

七

滿階黃葉下雙禽稻梁儉歲謀何易詞賦浮名誤最深至竟

蕭閒多樂地讀書聲裏暮鐘沈

雁柱天空黯隻彈依人何苦滯長安歸時風雨同秋感別後

園林又歲寒失學動滋中夜懼求名要博兩親懽不然萬樹

梅花下十笏茆堂正爾寬

得芝岑書知其近日妯娒楞嚴適余方倩芸臯寫面壁

圖也

一坐團蒲歲已深空山有影月來尋看穿混沌終成鑿練盡

冰霜不見侵三教扶輪惟定力中年退步是平心聞君雅闡

楞嚴旨我欲松關覓舊林

會典館派充繪圖

末路書傭寄誰將畫手推他年誇野老曾繪六官來

題李曉桐山水冊爲少迂作

蕩槩人歸柳外艤
騷詞何處拾蘭芷
天涯彌望離離草
隨却春潮綠過江

溪光明鏡淨于揩
遠岫青青疊嶂排
結屋幾家山徑裏
夜深時聽落松欵

蓮華峯孽勢交銜
列翠中間古寺嵌
一塔頽雲遮不盡
天教溪水界塵凡

古木危崖墮鶻巢
荒雲氣聚山坳
誰攜袖底閒詩卷
挂上蒼藤百尺梢

墨雲挾雨走江濤
水立雲垂筆陣鏖
破屋不驚風折木
嬾殘芋火醉氍毹

霽色纔開豁曉烟
兩山奇處一亭偏
長松故掉蒼龍尾
蘸起

明湖水拍天

小重山房初稿

詩五

八

人家三兩住高峯
不聽泉聲卽聽松
繭足記曾臨岱頂
大夫叢古識秦封

清陰繞舍晴疑雨
赤日行天暑亦秋
翠袖無言來共看
不知湘水浸簾鉤

除是尋詩一例慵
閒雲有約便相從
村前黃葉蒼苔路
卓破山翁七尺筇

一夕梨花萬樹開
瓊瑤齊向亂峯堆
長安有客貂裘做
却愛西山看雪來

和葉雲素農部移居虎坊橋原韻

郊居賦就沈休文
小住曾何吏隱分
幾度燕臺攜畚鍤
十年楚樹憶桑粉
酒杯共話南樓月
詩夢能招北渚雲
爲有牙籤

三萬軸皮書未散買山勤

尺五城南甲第連橋頭不礙住牽船蕭閒愛詠招詞桂殘闕

誰箋爾雅榎釋木爪印前塵空退谷舊居爲孫退谷研山堂目成新築

謂東鄉哲嗣

敞平泉趨庭咄咄鴻都彥豈數銅儀玉樹篇

三唱

三唱晨雞萬夢醒癡雲無數散空冥腰鎌手斧歸應早盍向
山頭刷茯苓

戒殺岐亭事偶然一時爭說野狐禪盧公憤飲丞壺味不耐
人間草食羶

黑小子

先生本色仍烏有小子何知亦可人引到甜鄉千日醉燒來
土鏗十分春弟兄夔側冠應肖日月壺中漆是真說與輦煤

小重山房初稿詩五

九

駝背客可曾佩爾逐縑塵都下采煤者號煤黑子

禮烈親王克勒馬歌同蔣香村丈作

白山黑水黃雲封我朝嘔興間氣鍾天降良佐如降神地

產良馬如產龍追風直欲走入極七尺昂藏誰跨得麟毛豹

股虬額鷹金羈繡鞍白玉勒惟王神武控紫韁馬亦低首稱

祥良與王一心成大功入關百戰無人當當時騰驥整旗鼓

甘萬軍陳薩爾濟奮身陷陣揮天戈葉赫烏拉何足數克勒

馬真健者從王馳軍中但見沙蔽野從王歸帳下不見汗流

赭王視此馬骨肉親馬亦肯爲王死臣騎箕一夕返天上伏

櫪悲鳴夜復晨悲鳴七日馬竟死斗大房星光可指世間負

義背恩者一息偷生徹輅恥克勒馬烈可名請以王諡爲馬

旌曹韓不生伯時遠疇寫鬢角雙峰清鈍翁文章世所目汪

傳何啻畫骨兼畫肉元狩虎脊徒區區開元玉花尤碌碌馬
有靈馬亦喜老髯奚官長已矣君不見傑閣凌烟天尺咫肅
肅英風四蹶起王有功崇廟祀克勒留名照青史

禮烈親王鳴駁箭歌

興朝騎射首肄武武爵善射名十五烈王藝具貫札神髀箭
森森傳秘府關東定檄開營門塞山秋高旗幟翻紅輪懸的
射羊眼萬衆聽鼓晝不喧白翎金箠插腰後滿月弓開霹靂
手過簫風疾爍電奔主皮墮空革音厚其製六孔觚渾圓匪
銅非鐵骨角穿怪鳴一聲出林外下應擊鼓聲闐闐傳箭流
星走千里射馬射人此餘技更羸鎖雲伯仲間冒頓鳴鏑等
閒耳獨訝筈長三尺強飛蠻名尺六倍尺量垂天舒翼狀張
拱想見英姿 帝座旁留遺夏服鮫函飾令德有銘栝可勒
玉牒當年並築勳肅王矢斃黃金賊

小重山房初稿詩五

十

齋頭書所見襍綴成篇邀俞東川丈芸皋同作

六月不知暑謝客成却埽眼前具清景日日恣幽討一雨晝
兼夕中庭積行潦看花褪安榴借蔭覆鄰棗去年手種竹所
惜半黃槁戎葵與早蓮應候尙姣好紅蓼葉如掌枝重拜輒
倒烟苗撒盈砌苔縫拆來早預喜秋色繁課童弗豐草硯池
慣寫生緣澗汁可搗門前汲井便晴時沃其燥濺泥著新甲
手更爲澹潔迢迢望江南草名羈緒觸懷抱薰風披拂過金氣
挹西顥當盃露洗涼挂樹月出皓素心得欣賞伴我嘯歌浩
作詩物理叅試看新脫橐

過朱茶堂駕部椒聲館

金釐玉竦曉烟開曾爲荷花幾度來深巷宅猶傳故相

朱石君太

傳冷官貧不借謔臺百盃罰後寧辭醉六典書成煞費才還是椒聲多韻事閒時分詠古尊皇

余屬少迂寫白石道人象椒堂題詩末云添箇小紅伴夜闌以畫中僅著抱琴童子作此為解

小紅可許便知音月夕吹簫底用等若論佩環聲協律巢湖神姥也傾心

鷺池硯室題壁

家山婉孌墨池邊客舍鷺池洗硯便鷗鳥有心盟一水蝸牛容膝寄三椽迎涼雨過花皆笑破夢詩來句忽仙幽興不隨塵事減床頭蟻鬪任喧闐

百年割得紫雲春誰守龍香十二賓內史儘教傳戲墨硯為南宋時石相國出贈節乞書題額衛公偏喜結芳鄰少迂十二研齋相去數武烟霞東粵靈

小重山房初稿詩五

十一

溪澗兵燹南朝片石新寶晉若還修硯譜洞天應不問樵人

三憶詩

顧沁南岳

我憶沁南農胸中萬邱壑卅年畫筆推老健破硯為田得秋獲力工摹本幾亂真不知者逢不輕作丹青設色發古潤花鳥觀生寫余樂家居秀野橋名深閉戶恰傍溪橋結草閣常時昌雨屐上街知踐東鄰呼酒約冠纓滿坐俗拘憊坐必有君去塵縛十千計戶莫斗量酒伴于今星落落鴛鴦湖詩人寄白雲注丈西村與君形骸同脫畧對門過訪君輒偕我喜忘年兩翁託山陽聞笛舊生感詩卷長留後人索繫君畫法足並傳供養烟雲增嬰鏤前期媿我昧三品丹竈從君乞靈藥

吹玉壺琦

我憶玉壺仙，綵筆蘄仙氣。自非冰雪淨，聰明定挽江湖滄。腸胃屏風閒，倚笑周昉士女圖。成世所貴祇疑天上佩，環近在覺人間脂粉費。年前爲我寫尺牋，耀采翻如鬱林翡。我詩未投君，弗報以詩寓。書介梅尉，小秋涼訪君玉壺側，短籬插花手灌漑，稚摩一室方示疾，坐飮琴言激禪味，勞生我亦倦游客。聽雨中，年各歎歎。君以少年聽雨圖索攜君墨本蘭與竹發篋真教素心慰。長安公卿有能事，見者驚奇動稱畏。我今學畫，憑意造，抒寫那知顧羣誹。却思借取一枝筆，海上三山遠難暨。侵尋別緒，稽雁鴻，晚晚秋聲催絡緯。天涯莫使苦吟瘦，問訊籬東著花未。時以畫菊奉寄

徐漁莊年

我憶漁莊子，鐵筆寫金薤。文彭何震不復作，刻意追摹識真

小重山房初稿 詩五

士

派壘纍頭石，使飛動琢手。雖良甚矣，憊尤工。范土肖螭紐，吹火冶銅具。鑪鞴鑿穿混沌色，鏗耀冥受鬼神技。狡獪市橋雜，選賃屋居得朝夕。求喜湫隘闐然客，至輒盈坐對客奏刀。叙清話，胸襟磊落世莫羈。家具隨身竹床壞，有時抗與俗子忤。而實坦懷無芥惹。昨冬示我漁莊圖，烟水平生託豪邁。索詩送別，泖湖上我正輕帆，誥朝挂斯圖。攜作燕趙游，飛去南雲咄。可怪想應好句問，明月二十四橋春入畫。此邦名士多勝，齋題字烏絲密行界，何當歸訪釣磯畔。一笑還君了詩債。君

漁莊圖乞京師諸同人題句，孟慈攜之南旋，卽屬于邗上徵詩。

聞子筠將南歸詩以訊之，卽用春木見懷原韻

南薰吹涼六月天，聞君倦游欲去燕。婁江雲水渺無際，塵眼不洗。今五年春官四上百潦倒，瘦骨空負金丹仙。未經宦海

插雙脚君甫教習期滿且思歸詠循陔篇前因夢筆生花來萬言落

紙堆瓊瑰豈伊瑤琢炫凡目分使抵壁隨輕埃吾儕壯志各

殊絕傲睨肯顧旁人吟塞山登臨得詩助豪吟畫角邊聲哀

不然磊塊易作惡胸次那復尊前開君緣多病輒晝卧天寒

一寄江南梅蘆鱸風約近始踐秋風渡江稱快哉只愁我亦

遠游子詰朝分手懷岑苔蔣君三徑更聞寂賸君屐印常追

陪蔣香杜與君同客禮卿藩邸鄒枚舊傾倒絲竹當筵風日好紅橋淥

水別有春供養禪心破煩惱攜詩憶昨一再過隔院藤陰春

已老堂堂年歲鏡中改早聽君言歸志浩我詩亨帚祇自珍

君許連城爲世寶近作京畿襍詠君極推許方期卑唱仰高和恰怪驅歌

何草草作詩走筆重問君君果成行當我聞蔣君爲我言爾

爾戒途挈伴將行矣攀留古蒞足賢主其奈君真不羈士江

小重山房初稿詩五

七

干吳語驚刺船鸚鵡橋頭識故里此身一笑閒雲閒出岫還

山無定止丈夫足跡半天下客路三千等閒耳惟憐吧帖頻

年望游子入門老親喜

寫竹菊長幅送王子卿太守之官江南

琴鶴翛然意可知一麾正及九秋時過江水木明于晝送酒

光陰澹入詩綠竹方君清使節黃華動我故園思吳淞借寇

成私願況翦江波尺幅宜

送金門師南歸卽之揚州

謫仙曾作塞垣行載筆蒐奇歲幾更黑水鱗鬣東注海白山

纓帶北朝京九天詔下歸鄉夢良史才難繫 聖情公望祇

今推六一閉門新見著書成師輯五代史注甫竟

問字年來載酒過當筵不奈聽驪歌西風花事鄰重九落日

秋聲滿大河魏闕關心知遇在蜀岡攜手故人多謂穀人師
吳山尊洪
桐生諸公東南舊是掄才地山斗何妨託薜蘿

訪積水潭滙通祠趙二君復攜酒同往

祠臨積水渺無涯背擁高城雉堞排蒼莽遙山空翠合參差
曲磴斷雲埋客間酒榼攜應數僧嬾禪關閉亦佳黃菊花開
重九過登高容易動秋懷

茶陵舊蹟付蒿萊生面重教梵宇開近市獨留棲隱地昔人
誰是治河才話餘短劫悲流水醉起長吟倚古槐不道酒香
出林薄西風黃蝶自飛來

程春廬丈有騎省之感出示瑟兮吳夫人蘭石畫冊題
後

慧業分明筆格中生香吹上小玲瓏遺嫌此日看何少惜墨

小重山房初稿詩五

丙

當時計轉空點拂隨心通入法烟雲揮手出天工夫人工書
兼善山水

仲姬未許專前美散朗真傳隱者風

一幹一花兼一石宜風宜雨總宜秋不堪湘水靈芬杳併入
騷人白髮愁閨閣祇疑無此筆神仙始信有真修
增惆悵午夜鐙寒寫韻樓

暉南田山水

着墨無多已是仙當年何必讓耕烟亦知造化都參透天意
分明厄兩賢

秋暮重訪滙通祠借少迂建庵暨袁秋畬俞梅軒兩生

小憩石磴閒復成二首

瞥見澄潭眼亦明重來不厭水邊行鷺鷥蹟豈飛塵瀾蘆葦
寒先敗葉鳴幾輩清譚忘路永九秋佳日喜天晴初平仙去

羣羊在列坐真堪置一枰

面却鼓祠徧水田清流如帶一圍圓小橋野外猶春確紅樹
江干此釣船候雁心情斜照裏臂鷹身手朔風前登臨後約
來看雪別是琉璃萬頃天

冬夜東川丈見示脫齒自嘲詩爲作一解時丈五十初
度

杜韓脫齒咸嗟惜取視偏欣獨放翁劍南詩齒搖忽脫去取視乃大喜編貝
早推餘論重投校翻訝自嘲工蔗漿味飮官廚好菜把恩叨
地主同已落猶生齧齏似祇應老壽賀明聰

翌日丈又示補齒詩再和一首

補綴天然逢絕藝鏡中一粲那成翁總無拔木重安理恰類
膠牙再續工衰職陳詩山甫在陔華取義廣徵同清吟咀嚼
饒真味何啻新除病後聰

穀佛

人巧天工却費猜分明一粟一如來小憑鬼斧雕鏤盡妙悟
慈鐙色相該寶絡依然蓮作坐香龕只就穀爲胎大千世界
藏無限我欲題詩貝葉裁

醉司命口相國出沈士充篋谷遷梅圖屬臨兼餉銀魚
雙尾賦謝

三希賜本詠樓名真手如何學得成但有王餘謀一醉歲寒
夢到故園清

寄內子

清暉遠憶夢窺香篆情絲宛轉纒寒籟三更塵境靜嚴霜
一夜塞天高星辰瞥眼看新曆書卷排愁賴濁醪料得繡簾

慵對月將詩鑑下課兒曹

步屣弓弓一徑苔下階消息問雙梅年頭樹共攜鋤種鴈尾
花應對鏡開夜話堂前催繡罷曉妝圖裏送寒來謝庭準擬
編新什寄語春風詠絮才

謂裁雲姊
玉舜姊

除夕君復約過其齋守歲

忘形無主客小住卽爲家爐火三更煖鄉談一室譁吉金評
漢篆奇石護唐花各有崢嶸意尊前感歲華

自題畫卷

鴈鼓萋萋報曉寒梅花消息嶺頭看一年又見桃符換細寫
田家饋歲盤

小重山房初稿

詩五

去

小重山房初稿

華亭 張祥河 元卿

詩六

銅井

玉甃苔花繡銅綠
鞦韆裊空曲復曲
泉香逾冽泉味寒
苦水易得甜水難
千家汲水齊曉出
萬井京城此第一
相公門前如水清
時聽隔牆鴉軋聲
吾齋花木新陰補
風日淋漓滌乾土
金瓶銀床那用誇
洗來倦眼雙麻茶
請看蟾滴解春凍
自畫梧桐著高鳳

四月朔日偶成

隨分琴書四壁移
送春天氣放晴宜
花陰露濕銀床縷
林角風偏古廟旗
小極連朝思斷酒
爭先一局怕臨碁
卧游縱乏

小重山房初稿

詩六

譚山客聽到松濤
入畫奇

時倩袁迂畫松

輓春敷尙書

入表稱觴 鳳詔裁九華
歸夢鶴聲哀 纔聞子舍
陳情後忍見親藩 賜醪
來知遇平生依講幄 恩
榮兩世沐容臺

綸言猶獎持躬謹
豈直山淵物望推

清時無事玉堂春
洛社相看白髮新
十載抽簪期水石
三台

聽履上星辰錦囊

賜荷龍光渥

昨歲入謝時 賜壽內府具儀公

賜紫禁朝回駿足馴
城騎馬 崧嶽由來鍾
間氣不應兜率

遽歸真

摩挲老眼澈壺冰
桃李新陰晚更增
佳話競傳祠部記
軾先

生出公門下與公同官宗伯其時少宗伯又皆出軾公門下軾公記其事泐之署壁一時傳爲佳話先生曾荷

聖人稱

御製味餘書室全集有送王春甫先生奉

命典試江西十六韻詩

公卿鑒識推

王起汝穎風裁泝李膺多少元亭舊游從寢門感慟可能勝
慧業諸孫僕射誇我聯蘭契到公家耆英特效靈光拜禮數
翻緣後進加菊酒教斟金鑿落芝顏笑展玉鴉叉會寫九芝圖製詩爲
壽撫桐絃外尤邀賞愴絕龍門落照斜

坐雨柬陳午橋成蓉臺兩編修

占星難得雨滂沱乍喜翻盆急陣過儉歲東南民望切連朝
好聽插秧歌

桐木成雲棉乍吐芙蓉出水葉先香吾家白苧城邊住吠蛤
池塘趁晚涼

清吟何苦瘦腰支抽繭難拋宛轉絲爲底心齋學危坐年來
詩病要尋醫

閏夏十一夜

小重山房初稿詩六

二

漫空霧縷撥難開不放織阿掣鏡來警柝沿街喧陣雨飛輪
動地殷春雷扶頭鐙影籠妝暗撲鼻花香入定回自笑不眠
常隱几詩聲中夜隔鄰猜

地安門外晚眺

金風吹暗柳千條策馬沿隄蹠躡驕鐘鼓城頭聞曉箭魚龍
海子入秋潮高荷大芋隨波長妙舞清歌逐夢銷攜得西湖
千里目不辭醉洗暮還朝

覺生寺觀永樂時華嚴鐘

遷鼎仍燕邸當年梵宇高六軍銷劍戟萬石繫蒲牢鉄畫鏤
經字洪聲起海濤相傳擊鐘則海水摩挲今覺在康熙間易今各轉

徙亦勞勞

釣魚臺

一角荒臺馬首迎，釣絲無恙斷烟橫。大隄樓閣滄虹影，白日
萎蘆亂雨聲。人去英風留水石，秋來詩氣帶幽并。布囊好句
搜難盡，酌酒磯前碧艸生。

芸臯見示詩卷留案頭數月矣，茲奉諱旋富陽，卽題二
首並以贈別。

按劍無因出太阿，佳篇相慰到蹉跎。司勳酒思逢花發，摩詰
吟懷入畫多。遠寄秋聲蘆渚雁，新傳粉本墨池鵞。近爲余作
鵞池硯室
圖招邀兩載平津宅，宿火殘鐘子夜歌。

鄉夢憐君話釣磯，板輿迎養素心違。江湖石瀨催冰合，驛路
麻衣載雪歸。已分攀號傷逆旅，還期忍淚慰慈闈。重吟無奈
寒鐙下，此後星河對景非。

夜飲趙氏歸雲精舍卽贈子啟君復

小重山房初稿

詩六

三

徐穉當年下榻來，歸雲舊話寄尊壘。西州漫任山邱感，南國
眞成杞梓材。臘盡驚心聞爆竹，宵閑煖手愛深盃。與君兄弟
經過熟，曲巷嚴更底用催。

送香杜之保定那制軍幕

前塵策騎走燕臺，得句相逢一笑來。大雪梁園催宴罷，春風
桓幕爲君開。貧交半作諸侯客，清望終非百里才。君教習官
學期滿

搔首那無星鬢感，何堪更勸渭城杯。

榆塞春光入紫駝，莫瀛陳蹟漢唐多。三關北控蜚狐口，一水
東趨拒馬河。官閣吟香花綴玉，砮樓橫翠樓髻堆螺。憑將古

意龍山擬結賞，當年重范何。

兼謂繹
堂制軍

丙子花朝對雪依聚星堂韻

羣芳枝頭纔吐葉，裝就仙葩賴初雪。天公美意故慳吝，吝
自臘

涉春望幾絕鴻泥忽訝積輕素虬翰何愁驚壓折麥田農拜
稔豐賜香國佛言塵妄滅從來翦綵要人巧似此飄寰向空
掣當風撒手彈吳綿隔霧凝眸披蜀纈東皇本作養花雨下
界春寒漸霏屑膏融覩土霎時化流水聲中去來瞥我慙授
簡藪妍唱未敢將鹽陋前說斜陽天末露黃額吹破傷簫一
枝鐵

送林敏叟太守之官重慶

手綰銅符出建章 御屏姓氏古循良十年香案仙曹貴萬
里征輶蜀棧長立馬白雲生劍閣聽猿紅樹滿瞿塘浣花陵
上題詩日猶荷西清舊寵光

欲訪塗山溯禹功高城曉角肅秋風灘聲南下岷江合峽勢
西連楚道叢輿頌巴渝傳樂府儒官子弟愛文翁一麾此去

小重山房初稿

詩六

四

殷勤望臣叔叨隨薄宦同

三叔
硯莊

同倪蠡蓬李瀛門趙君復登陶然亭

相攜數騎上高亭幾輩尋詩此地經壇坫百年秋月白樓臺
一角遠山青殘碑有字苔皆繡古水無波草自馨賸取蕭蕭
蘆荻響金風一例曲中聽

鮑深飲學正遺照

幼熟先生名結交重文字策勛鉛槧中稽古夙所嗜迢迢桐
華溪我翁歲一至歸裝出新刻插架數函置舊文放失多光
怪發潛閎遲昔拜床下心焉式高誼先生八十餘眼明快觀
記叢編廿餘集儼與年歲次蒐采猶不足早時入中秘我
皇挾奎藻賓興特優賜方稱耆宿榮遽慨哲人萎菰蘆一溪
水蕭瑟滿秋思緬惟素襟朗於世畧無累扁舟載書去榮樂

等閑事生則百城擁死亦千秋寄

陳石士編修桐陰老屋圖

森森甲第五雲端愛此桐陰一角寒初地畧同開士悟百年
都作寓公看盤根錯節天原厚問舍求田事大難滿屋狂花
人外寂卽今清美是貧官

夢中竹石句中仙鄉思蒼茫獨立邊述舊端宜詩本色題名
恰稱畫天然文章入室二三子風月當場四萬錢百尺龍柯
如古佛吉祥雲裏話前緣

題姚古查詞卷

花除英氣酒除狂如海閒愁萬斛量嫵燕嬌鶯春旖旎豪絲
脆竹意蒼涼邊聲關塞新詞壯夜雨江湖舊夢長未肯中年
剛綺語天涯翦燭各昏黃

小重山房初稿詩六

五

王晉堂同年前溪垂釣圖

峴山東下水迢迢依約前溪第幾橋雙槩天邊春入畫六鱗
江上夜生潮有誰製曲傳車騎自昔浮家溯雪茗三兩閒鷗
能記省鈞絲風裏話南朝

出山遠志已投綸尙戀苔磯自在身酒舫漁罾隨夢熟荷花
棕樹及時新孟郊宅近吟寒月柳惲亭空薦白蘋他日初衣
遂高寄烟波如此足移人

爲晉堂題袁迂畫六燈

三疊胎仙舞不勝松風一覺夢飛騰萬山塞路紅霞滿春在
蓬壺巖上層

何年青土下塵寰溪水琤琮長佩環苦憶僧厨燒笋味停尊
與爾夜譚山

不知鏡檻有驕陽萬葉能生午後香小艇穿花剛到岸水天攪碎綠雲涼

贖有涼蟬抱葉吟江干楓樹漸蕭森是誰開卷不知暮坐到白雲深復深

獵獵金風馬上聽河梁握手酒初醒西南此去停鞭路無數

秋山劍外青
迷漫飛雪亂峯前老鶴司香夜不眠商畧茆堂歸夢熟半生出處剡溪船

又爲晉堂題袁迂所寫前溪垂釣圖卽送之官蜀中

與君一握手示我前溪圖客窓高卧得詩起秋意颯爽通菴蒲今君將爲蜀道行釣絲別緒長縈紆中宵劇論溪水勝名畫復倩雲林迂畫分兩幀景可合詩許再作神則殊君昔家

小重山房初稿 詩六

六

居愛垂釣扁舟茗雪芳時娛年來鞅掌走南北風味往往思蕪鱸醉裏舉杯酌明月酒帆落影翻西湖誰知鄉夢遠難卽錦江春來天地俱一官珍重百里寄迴翔劍外稱雄區惜君者謂不宜此入法卓卓驚時趨會當題品鳳閣間流俗之見何虛拘丈夫旣不宰天下德澤亦足施方隅漢朝循吏蜀郡多觥觥神父一縣呼浣花溪上放衙日聽取部下歌巴渝勉哉親民良有司此行竹馬爲先驅前溪鷗鷺好送君飛仙鳧前溪苕藻清照君濯冰壺釣游舊地無人無請君莫戀孤山孤

沈弱侯小宛畢子筠同寓法源寺招集夜話醉後下榻

寺中

長安索米皆客身五倫朋友爲最親而余五就春官試矮屋

春暉輒隨侍三子招邀過梵宮
良朋對酒時一中俠侯任俠
胸磊落自見吾師道可弱

本字俠侯金門師爲改今字

小宛數載揚城居

歸來木瀆自著書子筠久作梁園客
雞肋同余棄還惜眼底
皆稱不世才惜未羅致黃金臺
明當各上萬言策一夕燈花
爛瑤席

湯泉在湯山下

晚風披客襟初地憩塵鞵
巖扉紅一帶逸響佩環送
禁苑

引上流藩衛闕華棟其下拓數椽
祓濯供僧衆方池剝石成
玉龍出澗洞明珠領可探
疋練手難控縋鐙照琤琮
滿室儼烟霧蓄洩判清濁
機輅水落空蹠沒湖漲痕
汗浹雨消凍丹砂發温磨
醒我薄寒中皮毛瘡疥癬
埃瑤淨巾幘今夜投土床
會續西山夢

西山亦有湯泉

小重山房初稿

詩六

七

宿喇嘛寺

安車入寺馬歸槽
暫息山程僕僕勞
四壁香烟幡影黯
一天星月梵音高
金瓶枚卜皈黃教
喇嘛分黃教
紅教黃爲尊
其瓶供佛前書名簽貯其
轉生之呼必勒罕以金奔巴
內掣一人爲衆推奉
石磴江流走素濤
湯泉近罷浴寒生
人定後祗應泥醉對醅醕
在寺門

湯山歸途抵海淀

幾程細石碾沙隄
幾折平橋界涸溪
嗥馬聲齊涼樹下
飛輪影亂夕陽西
紙帘酒好攜笳蕢
蘆壁詩難潑墨題
歸繞昆明池側望如矚新月一痕低

東弱侯移寓研山堂校李雲門先生遺書

定九遺書重不刊
肯教仙李歎叢殘
周天有數推無盡
後世相知定最難
西法自開三角便
中原彌覽十籌殫
硯山堂側

論文地愴我重來過藥闌

余與弱侯皆公小門生

顧荃士妹登昨歲悼亡今春以公車來相見各道傷感
出妹遺象爲題四詩追挽余妹兼慰荃士

無著空花玉鏡臺從今怕說謝庭才傷心原上連枝樹都怯

春風一剝摧

從兄弟與妹同胞者皆早折

蘿屋風清意自仙
祖嫻女誠自髻年纔聞廡下春
聲喜錦瑟何堪絕調傳

荒涼難問大雷書客裏題緘淚有餘不信霜縑是遺挂梨花
落盡夜胸虛

潘令沈憂減帶圍歲寒在萬事都非人間那有稠桑驛莫爇
蘅蕪向故衣

地藏庵借澹淵荃士以百八鐘分韻得鐘字

小重山房初稿

詩六

八

十日鍵戶居澗絕城西蹤良友不我讓我亦知疎慵塵樊久
且厭時憶蕭寺鐘夜譚信宿頻古月光溶溶相見澹忘契相
違紆別悰茲來滌暑煩翠院槐陰濃癡雲意作陣雨脚收神
龍近畿或霏甘杳杳烟密封清風排闥來瓜罷日下春潑墨
向縑素花影粉惺忪
適爲友人作
襍花橫卷語君此樂長何必異五茸
聚散奈萍梗咫尺猶難從矧爲燕雁飛極目鄉樹重古交不
以面且醉村醪醲

曉桐自黃梅傲倪迂小景寄少迂索題二首

不著烟豪絕境攀大師老去道場閑遙知冷宦多禪趣日對
黃州破額山

玉鴉叉畔挂雙魚一笑真能慰索居恰仿愚辭寄愚谷故人
相况意何如

荃士詩來以廿三日遲余不至爲悵並問近狀賦答
鳳城驅車輒數里煜煜火繖當空張訪君蘭若計相左兀坐
惟覺清晝長鄰僧送花趁晚涼插籬懸亂紅一牆雨雲壓樹
又飛去引水輓轡聞土香
論交近頗麴生善對卷遲爾長相思杖頭壺盧出新市高槐
蟬噪醉不知潞波盪盪浮綠卮秋風渡江行有期詩腸作惡
戒磊塊聊翦尺幅爲淪漪

復次來韻

良時有樂去後覺靜處無望愁來尋舉頭晴晦倏變相白雲
天末深復深隻彈碧海難爲琴冰蠶繭穿見道心大還何日
就丹藥壺錄持抵雙南金

荃士善病余邀友
人爲定常服藥方

六月十四日同人地安門外觀荷延佇隄上更定而返

小重山房初稿 詩六

九

入耳溪聲帶晚蟬橋陰路轉柳陰偏穿林月皎蟾光滿跂石
人閒鷺足拳雙白玉龍噴潮雪萬青銅鏡鑄江烟長隄不放
車塵碾恰傍漁罾繫小船

翠佩紅裳小洞庭江南蓮唱幾番聽尋詩佛界花成悟晞髮
湖天酒易醒蛙鼓宵涼喧急兩魚鈎水定唼殘星兩三游屐
頻年熟認取風蒲故故青

澹淵荃士來城信宿且訂出都之期

避喧無計畫扇門舊雨重來共一尊應俗終爲文字累思歸
猶有菊松存卽烹苦薺知巖性能辨幽花亦慧根百八鐘聲
聽最慣今宵落月對床論

道旁

最嫌如豹吠村龙我欲停驂問釣艘但看道旁春意盡自焚

官柳墮空腔

按曲

籬角花疎夕照溫
小橋西畔小蓬門
翠鈿不分堆雙髻
錦瑟相依共一尊
翦燭烟銷微有恨
褰簾月去悄無痕
誰知夜半題詩客
按曲心情嚼蠟論

草橋渡

遠岫回看晚翠妍
纔聞喚渡草橋邊
野人縛架收烟葉
女伴攜筐摘木棉
沙迴溪泉生古轍
林低山果打吟鞭
劇憐馬首衝風去
十里艱如上水船

過兗州追悼妹聳王敏丞大令

十年前作玉京游
觸忤西風旅店秋
猶記南樓同覓句
通習長爪不勝愁

小重山房初稿

詩六

十

沛上防河豸節臨
使君兩髻雪霜侵
可堪公子歸來後
未遂當年誓墓心

靈根慧業本無涯
道氣全推許掾家
熟讀丹經鑪火說
誰知卒未辦黃芽

車行繞運河南連日得蟹佐酒

新從趙北問含黃
又貫南河菊酒香
七月持螯三度醉
可無奇語傲江鄉

茱萸山下人家

前明鹿忠節裔

茱萸山下有人家
獨樹柴門一徑斜
折足几紛堆野史
缺唇瓶亂插秋花
太公隱德雲仍苾
忠節清聲里社誇
却話定興城破日
江村無復盼迴車

二疏故里

當年祖帳盛東都故里歸來二大夫白日但邀朋舊醉黃金
肯受子孫愚一家師傅同時少千載田廬問俗殊直是名成
能勇退蕭侯終坐宦官誣

與趙斗垣庶常別自克州復會揚州遂同行至龍潭起
旱向金陵

烟翠中間並馬行芙蓉屏幃看天成羣山虎踞龍盤勢二客
風離兩合情徑僻人家齊置砦時清戍柳不藏營聞雞五載
挑燈話信宿重來建業城

君中癸酉南榜
時余同在白門

夜泊京口懷澹淵宣城

朔氣逼秋盡江干夜泊來風鳴櫓力勁月曳角聲哀蓬矢驚
心數塵樊掉首回宛陵鷗詠地卒歲亦悠哉

吳江舟行村落間

小重山房初稿

詩六

十一

面却荒城背却山市橋圓趁市樓環迴風細浪灣灣碧返照
殘霞樹樹殷水鳥馴隨笮管下野航穩載枯棹還眼前畫境
兼詩境雞犬圖書意共閒

僑寓西湖昭慶寺入城訪芸臯知已歸富陽却寄

前年君訪華亭鶴遲我來盟海上鷗今夕我延蕭寺月知君
歸賦故園秋郵詩千里還如面

在都詩
見寄詩

量水西湖未抵愁長

憶笮箕泉舊隱何時身在畫中游

大癡隱
符箕泉

飯飛來峯前遂循竹徑登韜光憩金蓮池上

成此獨往心獨酌興亦頗清齋薦蔬筍盡醉秋病可秋深渺
游人一僧復一我我訝靈鷲飛何以僧前墮西天僧有云傳
信我無那巍巍佛殿鴟昨年燬于火惟茲冷泉亭着我忘機
坐前林笮將來嶄徑惡掀簸直思躡屐上萬竹碧陰鎖竹杪

出遠天寺門開豁開大雲罩蓮池不壞黃金朶綠崖聽奔流
澗石莓苔裏明湖西渺漫高峯北砥礪堤僧不揖佛我欲證
前果

望湖樓

湖天晚景若爲開樓下殘鐘底用催一塔頽邊雅陣黑六橋
斷處鶴聲哀河渠曬旱書誰熟菽封生田首重回高會羣公
都此地從來有數濟時才

八言

人言往歲濬西湖隄畔時聞黃帽呼千百甬泥船下水一船
甬得斗泥無

古玉泉

亭空珪月一鑑清老僧倒影魚不驚投以餅餌碧藻橫一魚

小重山房初稿詩六

三

唼處羣魚爭紅尾戢戢照眼明水中何物驗縮盈浮圖七尺
鑄鐵成曰鎮泉穴泉始平似聞穴底海有聲萬泡湧出珍珠
并矮闌干置折脚鎗試茶汲泉爲客烹魚知就客闌前迎一
笑此魚亦世情

余家故有西溪別業今荒矣問之老僧猶能識其處

見說湖莊十畝陰寒波蕭瑟入秋深青萍星晚飄前澗黃葉
霜初戀故林妯嬮獨煨僧寺芋買閒何用客囊金前塵一夕
蒲團話定裏鐘魚託賞音

雜詩

秋盡芙蓉紅一灣水雲閒趁暮鐘還老僧贈我半甌綠道是
新茶出本山

徑欲捫蘿摘玉繩籃輿不上巖高層平生濟勝登山具早辦

天台百歲藤

不知琴筑響何處時見蠟腰卧籀龍一笑山靈能調水小琅玕倩古苔封

自湖上買舟歸松江

鄉思菹鱸不自聊緇塵厭逐馬蹏驕九秋客袂湖流洗千里歸帆塔影招載石游盤收畫本娛親拜舞解詩瓢忿忿揮手黃金盡轉向黃花慰寂寥

依舊

依舊秋光繞畫橋
槿籬移置小亭腰
五年前種梅花樹
喜見青青長嫩條

輓梅小庾

中年哀樂半侵尋
話別燕山強自禁
巢父掉頭終失意
子高

小重山房初稿

詩六

三

抗手肯沾襟
歡場每怪豪情減
危坐方猜道味深
詎料捫胸多結轡
秋風一夕愴人琴

日觀峯頭卓立時
興高相約看樛枝

已借君南返平生蠟登泰山觀日出

展尋碑健幾社傳
薪使筆奇石火光悲
過客楹書舊學付佳兒
祇隣未竟青雲志
忍見遺容總帳垂

和春木重九見東元韻

歸舟喜近題糕節
卧病無端負佳日
搖兀湖山夢渺漫
有句飛來不能筆
踞床但作擁被吟
厭聽兒曹鬧梨栗
故人忽遽詩一紙
想見揮豪風雨疾
眼明卒讀神自清
點染秋光破蕭瑟
斜風細雨阻佳興
畫舫籃輦稀出知
君獨坐靜又手勞
我相思遲促膝
碾畔紅丁乍餉全
詩來佐以天 甕頭綠蟻應招畢
新詩多感一再遺
抵家日君先 雋味安州勝啖蜜
湖峯

孰是主盟者健將登壇老于律僕病疎慵空好游東南名勝
無由述頻年根柢著書意怕憶春鷓與秋蟬

題春木台蕩近游詩後

端合仙居著此才天成詩境爲君開淨名能澹閱身乞絕頂
誰躋健筆來古佛棲禪依薜壁客星躡影上經臺早聞巖壑
東甌勝惜未登臨藹足陪

春木以病足詩索和久未報又辱以詩敦促勉成二首

示病維摩一室中相望隔兩尺書通尖叉却媿詩腸涇案杌
難資藥力充馭裏雄心羈未得連拳枯坐學來工吟邊知斷

兼旬酒蔬菜登盤味畧同

君因病止酒茹素余亦患瘡痲食匝月

萬里蠶鼓數往還早時游蹟徧名山孤叩卓破秋陰碧雙屐
粘來古薜斑薜荔裳裳頻澤畔蒺藜刺履任人間先生久作

小重山房初稿

詩六

古

眠雲客布襪青鞋得自閑

建木自杭州寄蚶賦謝

瓦墼文工網底尋裏泥手漉碧池陰勞君薦酒還相憶病起

無心更苦吟

蚶肉色紫補心血

冬日讀春木過三泖漁莊感懷述庵侍郎詩余本子夏

門人承公屢以詩學見勉山邱回首同此愴然輒和原

韻兼寓重望

感到西州淚暗彈重君舊誼問漁竿春風點瑟傳心切大海

鍾琴續響難回憶珊瑚收故網劇憐鸞鳳戢飛翰名山事業

知猶勉未許鷗盟碧水寒

同心蘭萬浣雲邑令屬賦卽依原韻

秀慧移根向楚汀春風雙笑愜温馨騷人慕遠曾遺佩香國

藏嬌合構亭綰結有情仙證果盟鑑無語客忘形劇憐錦瑟
芳菲感好慰顰痕展鏡屏

露糝巧綻玉瓏玲印到文犀徑寸靈緘豆紅疑通款款焚蕪
綠訝隔停停漫駢綺語鶯兼燕早合歡悰尹覲邢夜雨銜盃
芳草長情苗一例賦閒庭

小重山房初稿

詩六

五

小重山房初藁

華亭 張祥河 元卿

詩七

戊寅春正五日申浦訪李心庵農部留飲易園竟日

江天極目一凭闌春樹千家雪已殘牽舸船空游浩蕩新構

出山雲嬾耐高寒漫評風月當場美應歎文章製局難申浦

潮回家釀熟不辭留醉盡餘歡取湖落水釀酒合潤下之義

人日過南梁陳禮園中翰招集翦淞半舫

薇省投閒晚學禪橋南梅雪落吟邊飛輪舊夢中宵話辛未

同在京門過酒春潮別浦船果熟林園無儉歲珍羅金石亦前緣

會看老健婆娑舞綵勝迎人照午筵

家園招諸同社小集敬同大人韻

小重山房初稿詩七

梅前雪後故園天吉語飛鴻拓硯瓢試舊藏飛鴻延年甄研爛醉豈容

狂闖戶指夜間鄰人破酒事嫩晴祇合午張筵披來游記俱堪畫家石春歸

自九華建木歸自寶婺證到儒門莫墮禪春木近刊五子近思錄燕九緇塵頻客

裏笑藏家釀已多年

十八日嘉興道中

花滿臯亭嚼雪饒鴛湖雨過日西銜層梯烟鎖陶人屋雙櫓

風馳估客帆入畫梅寬和醉寫隔春柳眼為愁緘落燈今夜

孤舟泊燭盡寒威漸漸嚴

是夕月色甚霽喜登前韻兼懷李樵峯姚春木同在吳

門舟次

雲影天光洗眼饒推篷喜見一輪銜寒憎酒薄重開甕穩覺

舟輕已卸帆采藥情多春蠟展兩君將為九華黃山之游還書癡絕夜題

緘遙知潮信夷亭早津鼓催人徹曙嚴

早發臨平關

唱斷晨雞犯雪行寒梅將夢過臨平亭腰未踐看花約壩口
時聞放溜聲昨夜連村簫鼓聞此間洗鏡鷺鷥清抱關也識
尋詩舫不向煙蓑叩姓名

陳仰山招飲杭守署中卽席兼贈王師竹學博

早笋登盤燕未來佳辰賞雨卯時杯品詩最愛虛心竹讀書
難尋稱意茗春半花妍人晚嫁靜中禪悅味初回盼晴好向
甌窵祝笑指明湖霽色開

吳棣華太守方上天竺求晴

寓樓聽雨遲芸臯不至疊去歲昭慶寺却寄元韻

自笑山居馴病鶴不應官舍著閒鷗昏燈疑醉還疑醒夜雨
聽春似聽秋花事漫隨流水去琴心那遣碧雲愁扁舟早晚

小重山房初稿

詩七

乘風到好暢晴湖十日游

雨中芸臯仰山相繼至拉作吳山之游席上有贈

名花十二鬪罽支草草杯銜一笑時史筆端宜紅袖捧春心
未要玉闌知相思篆碧攀芸艸不夜輪圓着桂枝却詠澹妝
濃抹句西湖從古比西施

贈馬秋藥太常

桐君老健杖藜知曾陸前緣見悔遲大雨一天來揖佛精心
八極起論詩乞身宦海群鷗喜提唱家山子鶴隨

章伯悅編兩公子

聞說南游窮嶺表搜奇何止荔支碑

見示粵游近刻

朱彥甫睡心室圖

一靜儼終古百心不少困老梅守空山瑟瑟殘寒褪春雲都
虛無夕月乃方寸

俗人不識字快活行自得滄滄復涼涼蕩蕩還默默誰知此
中境息影見甜黑

至人本無夢斯言亦欺世爾思惕若夤所力在控制儒門有
从入慎莫蹈禪傷

昭慶寺訪覺先和尚同至蘇公祠看梅遂飯五柳居至
花神廟茶罷而別

衝烟搖得瓦船來

西湖船俗名瓦舁船

看過老僧看老梅入春一雨二

十日湖水拍隄花盡開

一鷗到手一軒渠入饌眼明雙鯉魚花神向我說琴趣今夜
水仙來寄書

上壩

盤車軋軋斫西東繫纜全身著力工直是遊人天上坐非關

小重山房初稿

詩七

三

青雀會騰空

下壩

未要長年歎路難牀牀峽雨走危灘飛身一擲疾于箭我正
船頭籠袖看

贈桐鄉司訓宋小茗同年

舊游花信記丁年一笑同青此坐瓊

丁卯曾一至茲復

接武

經師惠紅豆傳家詩格李青蓮

讀尊甫茗香助教遺詩君又潛心經學

譚多酒

政長筵滅燭冷星光古屋穿商畧凋殘文獻在翰君已占選

樓先

方輶桐溪詩述

桐華館感懷金鄂岩比部

楷法黃庭見亦稀不空尊酒計
非先生垂老家中落猶爲

留賓典故衣

烏衣朱雀且休論一髮千鈞幾見存
寂莫溪田更數主桐華時節不開門

園梅乍放獨酌成篇並柬諸同人看花徐閣公墓側

昨爲武林游苦雨窘閒步西湖蘇公祠
梅花廿餘樹瀕行僅一至欸乃水雲暮
歸來叩園梅開霽數花吐老榦百年物
疏疎入禪悟次者翩若仙絳袂雜縞素
寂穉吾手植卑枝插籬護計閱六暑寒
亦見萼銜跗冷香足靜叅故山春故故
玉鱗一夕飛澹月罩輕霧吾醉獨酌花
階前拾殘句明當約我友各各治酒具
近郭花號萬何處殆迷路還攜載鶴舟
去拜閣公墓

十三日看梅閣公墓側會者十一人

墊鶴集花下招邀不須東張筵就苔茵
五六坐相屣壺觴隔

小重山房初稿

詩七

四

籬置過酒出鹿眼梅分東西園收果當
營產墓田春雪豐點綴山容嶮吹晚風
旋緊澹妝亂梳綰偃榦繁礙冠飄英寂
黏瓊居人雅愛客折贈數枝揀何辭十
日醉所恨一水限

讀惜抱軒文追輓姬傳先生

明代震川今望谿先生之文欲與齊百
家騰躍各戶牖不如簡潔歸天倪鍾山
開堂歲講授諸生牽羊祝老壽壽則考
終文不朽文能壽世天所富家除遺書
四壁空傳家百計宜清風侯芭負土幾
高誼桐城宰樹何葱葱先生含笑出耆
社後誰相知定文者側聞衣鉢有替人
夫惟不羣推大雅

澹淵自宣城寄示近詩卽用卷中雨夜同荃士唱蘇韻

題後

握手聚春雲分手散秋雨平生素心
人心數能幾許敬亭有

客山中眠薜衣孤褰抱瘦烟眼前片石可與語鏗鉤詩格何
蒼然九月河流醉桑落狂瀟時聞動輔鑿紀游擲筆詎墜歡
夢裏扁舟尚鳧躍

墨池坐雨作畫復用前韻

出門對俗客不如坐對雨澹忘畫理叅着色向何許春陰沈
沈柳試眼翠禽踏翻千縷烟頽垣編槿補林罅露出小桃紅
欲然墨池余居本孤落齒齒激流石齧齶圖成滌取雙鴉眼
驚起伏鱗草間躡

攜舟圍池余兄弟置酒其上以水流花香爲韻得詩四

首

何必萬斛身一葉亦可喜海天在鏡中湛湛均堂水風來動
槳牙微見穀紋起

小重山房初稿 詩七

五

竹尾挂斜照萬竿交森修佛光來我家塔影橫中流依依春
草心一碧池塘幽

行舟復住舟繫纜枝槎蔬筍供山廚池魚又可爇灣頭洗
酒杯襟袖沾飛花

茗芋固不辭柏葉當筵香劔茲被禊宜逸事追流觴對管譜
四聲何啻嚶鳴章

示丙章弟

兄居墨池弟竹所茲讀相聞各扁戶萬竿繞屋成綠天夏破
濃陰逗疏雨朝喧開幔起宿禽畫靜檢書竄飢鼠杜陵水環
南北舍平原山接東西廡客中四載看雲憶花外一盃邀月
舉咳蘭采采足色馨眷彼游盤亦何取小詩不厭再三改商
畧還通隔牆語

千山紀事 四月廿四夜

泖濱月黑陰風生吹燐作燈千百明路鬼嘯聚頭鬢三
五逐隊碧火擊白楊颯颯刀戟鳴村人出窺婦孺驚警疑群盜
來荒城惡氛逼前誰敢攖攜家四竄夜四更呼舟滿野啼哭
聲千山分駐一老兵土床急起冠弗纓山前山後千銅鉦號
召徒眾齊出迎鋤犁在手結束輕近山三里奔敵營敵勢如
散如合并馳之逾遠眾怒睜猶見列焰鬼倒行漸漸明滅勢
不成眾至渡口一水橫東方雞唱天宇清

寄富陽相公書並呈一詩時予告留京師

廣厦忘寒感是真大江北望祝長春廿年宰相翊元氣全浙
湖山娛老臣 賜杖恩深知戀戀乞言 天近况頻頻松蘿
明歲壽平格長揖先來入幕賓 公齋名松蘿丹明年
八表早奉 面諭賜壽

小重山房初稿 詩七

六

葑門感懷王楊甫丈

芳草堂中黯夜瞻古華亭外悵郵籤半生冷宦貧非病壯歲
狂名晚自嫌送老江湖同輩盡善書夫婦一門兼小園枯樹
蘭成賦物化何堪更紫髯 家園紫藤故百年物往為大
風所拔丈作古藤歎見寄

午日吳江道中聞鄰舟絲竹

釀酒揚舫此日宜午潮蒲艾舞離披文章弔屈神猶黯絲管
臨江奏亦奇點雪遙灘涼鷺下斷雲深樹數峯移金闔眉樣
初三月新見遨頭學水嬉 前一曰觀
競渡閩門

董琴南招同包誠伯夜話

燕臺初話別尊酒復江鄉猶灑麻衣淚還增短髻蒼 君奉太
夫人諱
門延元禮譽 謂金
門師坐有次公狂盤錯相期意松枝任激昂

經城西廢池

自昔迴翔地空留水一方蛙聲還閣魚戲正堂堂瀚海波
難定沙隄艸易荒支筇鄰叟出怕與說滄桑

送建木之寶應教諭任卽次春木嶺

看到將離已送春離筵況又送輕輪一官淮上交知少十載
堂前氣味親豪興中年防酒失廉聲後起稱儒貧臨歧約我
尋詩往甞社湖頭古月新

宋拓玉枕蘭亭歌

後有王虛舟汪退谷跋藏春木家

蘭亭一百十七刻理廟秘玩歸平章權好奇計事風雅定武
影本明鑑旁縮成小體五字損觥觥武爵酬廖王洛神當年
並鑄玉于闐靈璧爭輝光杭州一唱歌舞絕誰其拓者聲琅
琅性命毛輕物山重前有子固今蕭郎遂令懷璧後人戒孤
兒負石空逃亡

東熙朝爲閩中蕭長源給諫所有時歌逆方鎮聞欲取之蕭靳不與後遂遇害子靜君攜

小重山房初稿

詩七

七

之逃我思昭陵閱繭紙玉盃竟發天蒼黃戎溫無賴委瓦礫
金壇真蹟推初唐班班要錄姓名褚馮韓趙諸葛湯館客
稱功技狡獪福華撰罷摹歐陽此書無異辱金辱妓圖朱蠟
羅東堂休論葛嶺半閒廢已見趙家全土荒珠玉侈心建多
寶水山失勢難久藏木棉肯爲天下死惜未俱碎投河漳名
流工作荔支喻肥瘦迺復龜銘咄哉虛舟遇靜君宋刻宋
紙搨最良同時退谷字藏穎兩公一笑臨池狂世間抵掌優
孟輩癡蠅譏恐貽南昌何如滌筆向湖水蟋蟀秋高金粟香

大雨

大出赤日枯椽橫一霎烏雲作勢成起蟄城邊騰海氣挂濤
檐底走江聲米家畫本粘天黯杜老詩懷倒峽清罷撫牙琴
驚潑刺小池正喜怒潮平

聞道求言 手詔裁風霾四月障燕臺好隨傅相甘霖沛一掃蚩尤毒霧開急溜河隄添夜戍高歌田舍發春醅遼東更望 君王駕灑道行看絕點埃

赤蛇據琴腹

蒙茸積陰藤蓋屋挂壁琴間舊所蓄何物丁丁響空洞乃是修蛇據琴腹蛇身比琴三尺強赤鱗盤舞牙吻張氷絃湘水久無語竊聽勞爾中激昂大音希聲在清廟蠢動烏能識元妙豈其噓毒託潛隱始也藏頭卒尾掉我爲水仙叩大荒惜未抱來滄海旁不聞蛟龍刺船起見此蜿蜒百衲囊又爲桐君賀除孽弩影盃中手可掣不然雷公奮擊柱古漆分與蒼厓裂飛塵拂拭晚軸簾清泉洗指指法嚴孤檠鼠窟不成調照汝惟招白玉蟾

小重山房初稿 詩七

八

納涼墨池亭上琴罷有作

解隨曲折赴廊腰菽菽風來鬱勃消蝙蝠飛斜鏡隔院鶉鳩啼苦雨明朝玉絲上軫瑩于雪香篆侵簾薄似潮甚欲希聲松石外忘機那用海鷗招

剝蓮

其花不自開以手披之乃哆然也俗爲是名

咒鉢生來合是渠風裳牢裹試紅初一拳披得金莖露奇女花中趙婕好

金絲銀甲唱田田助到新妝出水妍昨夜芭蕉池畔雨一般心事總相憐

塊獨

塊獨情懷託寤歌爾巢此亦小槃阿友憎酷熱借來少詩記前游補入多蟬午綠吟三徑竹蜂晨紅開一池荷更無游戲

書裙筆那署銀鉤向扇羅

河朔誰家飲正豪
笛聲吹晚度林皋
繁花刪後朶尤綻
老樹修餘枝
越高池面萍
疏魚漸活樓頭果
熟鳥先饜
但容方寸清涼地
不省炎天襍穢勞

將之寶應辱春木
以次張文潛初伏大雨呈无咎詩韻
送行翌早過其齋
試雁宕茶縱觀舊藏書畫又出湖蟹
佐飲同醉月下歸次原韻爲報

炎威觸人爍焦釜
屢市向從得涼土
君家萬寶古風月好起
山樓招暮雨我欲江行一別君
雁蕩茶香潑新乳
圖書伯審蓄瑰異
筆視武功忘倦苦
巨時彌日飮賞心
勝是韓陵石間語
勞生踈籟正相笑
興至還持蔗干舞
君方病足固知豪氣不終抑
千首詩輕侯萬戶開
門延月與客三郭
索秋聲已登俎

小重山房初稿詩七

九

又用前韻謝春木餉荔支

江鱸河豚出翠釜
尤物齊名貴南土
星球擲下玉壺碎
葉葉枝枝漏天雨
天南多雨滑之漏天擘紅奴婢薄龍眼
挂綠筍琶卑馬乳鬚
帆一夕橫海來
暑薦晶盤沁炎苦
不辭多食左車損
當時官中誰解語
詩人飽啖定三百十八
閩娘在起舞驚塵何用歎
東坡錄核還須稽北戶
戎州宴罷首佳唱
後和良難媿尊俎

周巨衡寫生冊子

鴛湖鼎峙弟兄名
稱到周荷重巨衡
池上盡焚三篋稿
鏡中看寫百花生
卽論設色黃居寶
豈讓專家惲壽平
若果題詩向飛動
只應奇語出縱橫

樊會公設色山水

涵蹟金陵八畫家會公古趣重鴉義

曲阜孔東塘贈樊詩又頭挑出古雲烟混入時

流乞畫鏡

何年飽喫胡麻飯縹石能生洞口霞

右幅捲

題顧荻洲姑夫畫梅四幀并序

風亭把盞每酬孤豔之篇雪徑開屏誰繪蕭疏之影若
夫人來索笑詩到無聲揭墨雲爲司香注蟾滴以濯魄
玉鱗寂寂斜月能飛苔髮茸茸古黛猶潤意翛然而鶴
引筆矯絕而虬蟠勁潔在抱託之以冬心落寞寡欣符
之以夙契非所謂冥造獨得奇懷天助者乎昔人有言
梅以韻勝以格高蓋取乎橫斜疏瘦老枝怪奇爲貴也
以之論畫何獨不然今使遍寫玲瓏交銜附萼晴浮野
氣暝洗嵐光勻脂以抹紅染蛾以皴綠非不清依白醉
耿憶黃昏吟易泣于翠尊覲無言于瑤珮然而鉛華勿

小重山房初稿

詩七

十

著聲逆爲難缺典補乎離騷優品識之埤雅廣平援筆
乃見鐵心惠連琢句空想靚色澹妝素服夢羅浮于酒
家春曉嫩寒出孤山之籬落神品超焉斯足珍矣僕也
未諳能事雅具古歡倚竹尋幽披練領趣亭亭丰格有
此癯仙種種臺相如現古佛卽看繭紙羅萬本以爭妍
豈直鳳城得雙身而知寶

屈鐵爲筆折枝成釵古苔忽春元氣與偕老鶴戴雪飛身危
厓高僧趺坐一空塵懷蒼勁

明眸修眉靚茲靜妍若小垂手舞衣企企西湖清寒攀摘爲
憐詞客已往笛聲滿天娟秀

繁枝綴雪密蕊含風仙心不雜詩境能融翠羽遞韻烟雲中
通芳洲九里南北西東獨密

寫影空際此花此心暝色無着曉寒不禁荒荒春江寥寥碧
岑來召余癡抱琴相尋蕭疏

七月初一日泖湖舟次同弟竹所

山指機雲送客舟迢迢長泖是初郵菰蒲灘長潮痕齧風日
帆高雨氣收古塔何年顏似髻涼波前度碧于油無端攬入
申江水眼底清流換濁流

聽水聽風忽五年

癸酉送弟秋試

扣舷重聽柳梢蟬斷雲帆罩山明

晦斜日窓移櫂後前暑意漸疏漁網外秋聲偏緊釣車邊他
時分手金焦望正及銀河欲曙天余赴淮南弟赴白下擬至京口分舟

風利

舵樓風利破愁顏纔得清涼意便閒遠岸疑人森獨樹濕雲
如蓋偃童山迷漫鐙火烏篷底搖動星河碧落間吹徹昏黃

小重山房初稿詩七

十一

一枝蓬伊誰飽飯跨牛還

黃婆墩

黃婆墩下片帆經平遠秋光入窈窕壁水東西雙派合錫山
向背一痕青檣腰燈閃升初月波面瑩流亂列星還聽嘶風
官驛馬年年客夢短長亭

晚飯丹陽熱甚

落日丹陽驛舟人理夕餐輕帆同馬駛高岸當山看極望雲
堆火真思井汲寒癡龍如有急急起送江湍

張官渡

放閘潮聲徹夜酣解維髡柳曉鬢牽夫負旭紅雙笠樵女
鋤烟綠幾擔朔雪路曾愁歲晚往歲大雪後經行泥淖中大雷書早盼淮
南將赴姚妹婿之招前村指點張官渡車軸伊啞聽不堪

二把手

匪車斯車二把手一人曳前一踵後前把鬻鬻角可扣後者
雙垂燕尾剖厥背穹然秘關紐伊伊啞啞獨輪走草繩絡跣
網左右下車必偕坐必偶輓革喘吁昇肩負亦利飛行上岡
阜此邦土風嫁奩厚朱丹其輪輦羊酒吾昔見之吕城口大
耳高驟導新婦

京口與弟對酒言別

船頭呼月晚潮生多事昭關管送迎兩岸金焦浮縹緲千櫓
星斗接縱橫酒邊譚裁江天澗月下聞歌夜戍清似此銜盃
同一笑真成漁弟與漁兄

江都二次詩

適讀兩
公詩作

吳蘭次

小重山房初稿 詩七

三

次公裘帶四愁吟拙宦逃閒不自禁退院如僧隨草屨亂山
比客盡苔岑江神也折傳奇筆社老猶誇種字林聞說吳興
留勝槩遺碑自具百年心

汪舟次

次公滄海壯游經持節黃門出漢廷五子論文浮一白中山
載筆有餘青三生石化求題字十萬金揮博建亭當日新城
響詩格果然醇舊又清冷

揚州書院感懷穀人師

年時老健玉堂梅季子名成一笑來

往歲九公子以
第三及第

豈料邗

江鶯節暮頓傳浙水鶴聲哀千秋朱厲應分席駢體陳吳未
是才無分元亭重撰杖炎天夢到雪成堆

邵伯湖食鮓

十錢得一尾百錢乃得十迎風喚賣聲片霎浮船集嗤余坐
老饕呼酒方急急霜刀膽銀絲釜漑絕腥汁溢湖美宜暑茲
鮮頗能及六夕謀新詩未脫名士習

露筋祠

內帑重新百代坊繞祠水減上流黃勞勞春汲小家女不學
城中時樣妝

高郵城外七夕

澹黃月子照澄潭偃架牽牛花兩三嘈雜胡琴腔自度商聲
絕不類江南

郎與銀河訂遠行傳聞米價貴江城妾家隄口遷隄後那有
星筵布豆棚

大江以北大河南放閘聲中命酒堪偏是金風嬾無力今宵
小重山房初稿詩七

露氣一湖酣

小重山房初稟

華亭 張祥河 元卿

詩八

縱權園弔喬公石林

畫川別業城東偏十頃明湖開曉烟瀛島歸來空宦海當時
縱棹似神仙繫公世列高門梁諫院直聲源天啓中禁鴛棲
早識劉鴻詞鸚鵡還登禩 仁皇典訓輯 三朝學問文章

旨特標柱史講筵親日角零陵桂郡走星輅大河橫截維
揚道泛濫洪流越高寶瀦水疑傾建屋瓴崩隄看浸連畦稻
蠲賑年年憂盛明海口不濬河不平綠章奏帑移天府繡服
持麾出皖城謂安徽臬使于公成龍 詎料河臣肆橫議魚鼈蒼生罔顧
忌屯圉誰爲捋虎須當車那更壞平聲螳臂 殿前視直一書

小重山房初稿詩八

生四不可行獨力爭賈疏忠言邀 主聽白渠遺愛重鄉評

遂初止足田園好荷芟裁衣真絕倒疎狂欲製芟荷衣公自粵西歸里門詩 結

夢鷗閒小刺船著書易俟初留稟公著易俟到眼全家圖畫二十卷

開畫川川上湧樓臺蔣花遠輦江南土園中山泥取之京口 招客頻傾

河朔杯姜潘秀句摘春藻朱陸湯查扣關早子崇修司論詩姜潘秀句豔春

山朱陸湯查亦叩關 夜雨江湖得得來歲寒兄弟垂垂老公兄弟五人長兄適著歲

寒堂 傳聞一角謝公墩地僻豪華動 至尊中使歸朝蜚語

寢 聞落成後有訟公者上遣使勘視乃息 徵書奉召 帝顏温令威華表遼東

鶴草木淮南漸荒落汶尾斜陽曬網天岡頭飛鳥呼群樂磨

崖黨籍讀遺篇漁洋稱公粵游詩以磨崖想見風流百廿年學

社粉榆培後起崇祠香火祀前賢今爲畫川書院 柘溪極望

佳城蔚柘溪爲公故里 三世詞林稱鼎貴子崇烈康 試向迴峯亭畔

看松杉猶帶凌雲氣

七月望借張趙亭學博吳千里明經劉念樓茂才訪淨
土庵小憩復由鐵橋經松岡道旁白蓮亂開迤邐至城
東蘭若有作

尋幽問吾宗爲吾言淨土秋雲正蔽陰不礙日當午出門習
習風打笠疏疏雨選勝意欲闌得朋興復鼓遙村踵鐵橋古
利闕岩戶垂楊罩短垣庭花豔無數八公本遺老東林是初
祖前賢盛題句詩思亦起舞緬懷喬朱流風雅推地主縣城
江淮衝裙屐一時聚兩君熟文獻猶復縱譚塵岡頭百尺松
載酒不數武松岡載酒爲實應八景之一垂垂脫蒼髯黛色僅能補蓮社
偏無蓮野灣搖白羽渾疑涼鷺下碧葉隨仰俯取道荒冢間
載叩梵王宇何年老頭陀肉身金勿腐禪床發異香茗盃淪

小重山房初稿詩八

二

新乳客健還登樓僧閒頗治圃茲游卒未辜茲吟殊未苦攜
示吾宗笑弱矢待強弩

八極和尚爲汪蛟門比部之兄 國初祝髮淨土今寺
中藏遺象喬石林侍讀朱澹子侍御輩皆有題識余得
展觀附題

澄觀八極事堪知蓮社東林復見師遁迹一生惟好酒開堂
諸老爲題詩空門法力龍行大難弟才名馬訟奇漁洋傳蛟門有都人
作馬訟圖賦詩一事知與習公同拄錫五臺贈別不勝悲蛟門贈習真
並錄五臺贈行詩末及老兄酒病正謂八極也

趙亭招飲杏雨軒

忘年脫畧到衣冠黥筆時時過石闌宿雨紅添魚潑刺午陰
綠借竹檀欒千鴟那盡蒲萄酒四海真空苜蓿盤小四海見清異錄

明歲杏花春色早可能扶健一登壇

蓮池訪退院僧客亭

已公舊茆屋詩境復招尋銀杏老生瘦白蓮清見心百年渾
過客十畝有新陰後夜譚禪約月明來鼓琴

千里招集觀音寺喫齋

朝來盛饌出伊蒲折簡偏勞季子吳騎省添愁思結夏
人齋堂破律許攜壺輸君西望先成佛笑我東歸不為鱸畧
共枚生陳七發及時白茹與黃蘇

病瘧答千里見問次來韻

忽成雪窖忽陽春閱到炎涼變態新造化真為兒輩苦他鄉
難得素交親療須上藥應無驗驅賴奇文或有神吾病却隨
秋雨至茂陵渴思更休詢

小重山房初稿

聞金門師內召授編修志喜

一夕徵書至蕪城秋雨翻 帝心良史眷臣夢玉堂温著述
西江溯文勤的派存彭芸楮先生待看房魏入珥筆有師尊

題喬然明詩卷

耽吟有如此冉冉已成翁古貌鼎彝列高情烟水空數番披
手橐一夕愈頭風神速刀圭效緣知道力充翁善醫近恙乞治得愈
當年槃敦盛提唱沈尚書良友盟淮上詩源述古初翁從祖劍溪先
生與歸思老人持論獨合翁猶親杖履老復守田廬正始風騷寄仙心定
不虛

千里來話別索題詩卷卽和對雨見贈原韻

絃外更無語與君託賞音小樓銀燭夜晚境白雲心別遠雙

魚寄秋深萬葉吟異時憶高致老圃采黃金

小春二日春木攜舟招同人訪姚平山故居復載酒飲
小桃源盡醉而返

我從渡江歸兩月無一詩鍵戶日以嬾逍遙竟何之故人挈
輕舟招我停河麋豈惟聯袂集且喜擔榼隨天公助詩景密
雨還絲絲翦水碧分擢叩花黃滿籬當年姚合居林木清風
遺握槩老千壺流觴空一鷗層樓會雲山雲山四會樓名凭高我所
思古柳儼六朝亭角含丰姿前輩此延賞後者應護持攀條
感易生曳屐留爲遲舟子告潮上出郭鳴櫂枝仙源春未探
偏及芙蓉時篙橫度窄橋斧爛圍殘碁結搆小泉石位置亦
大宜看竹例可援觀稼情頗怡手香綠橙搓雙螯佐清卮塵
事去束縛醉態兼離披酒闌雨共酣天曠雲久移歸路倏
火落日人弗知

小重山房初稿詩八

四

秀甲園看菊敬同大人韻

刪除冷豔到茆堂粲粲霜姿冉冉香出海雲霞憑客繪插籬
晴雨爲花商秋容突過移春檻異種居然奪錦場一醉南陽
仙釀好休論栽竹與栽桑

屏山秋色詩

近時菘菊自所謂洋種者雖非古香實塵草也詩以韻之

置花座側自左而右五色圍繞名曰菊屏

翠恩三徑未全荒簾捲西風六六張合就黃金釵鳳數翻成
墨繡燭龍光若圍凡豔非無肉似障輕寒却有霜籬下幾叢
添幾曲祇宜酈水接瀟湘

聚花庭中自高而下千叢攢簇名曰菊山

西來爽氣逼蕭晨明淨放光接葉新遠翠撲衣秋旖旎冷香
點筆瘦嶙峋雙睂學處容偏澹四面看時意最真聚米不應

嗚五斗好將袍笏拜花茵

十一月六日偕荃士北行春木諸子餞別河干賦此却寄

莫負平生志汗漫北書南菊幾看殘短帆挂向長筵近小雨
翻成大雪寒是日大雪節大客慣未應添悵惘交深還共話艱難征
塵迢遞燕山路 豹尾初聞入上蘭

泊丹徒月下觀放鬧

舳艫十萬蔽江來落日潮生晚闌開燈火危檣千厯亂人聲
埜市四喧厯賦詩意氣誰橫槩中酒情懷數舉盃明發焦山
山下路相應重踏寺門苔

嘲舟子

傳呼津鼓健帆馳卅里逡巡十二時一束流中頻鷁退萬篙

小重山房初稿

詩八

五

聲裏只狐疑功名上水應如我志願乘風却笑伊蜀道猿啼

三峽險可知百丈有灘師

登金山

天成金碧照江滄浮動芙蓉入望竒古塔下臨疑冢小怒濤
四逼矮關危江流日夕搖靈脈山色東南列翠睂吾爲中泠
泉第一特參禪味向華池

月夜復登金山同荃士

好山靚面如佳客不厭登臨晨復夕我來蠟屐翠微顛風日
江天壯詩魄落日西風仍艤舟黃昏更作山前游冥濛遠黛
攙雲暗浩蕩江潮帶月流江雲江月清如許此夜憑闌惟我
汝儂指頻年一再過山靈今昔盟心語凌虛浮玉亦蓬萊醉
後還教夙抱開壞壁曾無題句在老僧猶解款茶來鐘魚習

靜禪寮鎖夜色霜清明佛火入耳鈴將鷓鴣催打頭葉傍烏
巢墮大江南北一波平吹角遙傳鐵甕城對坐高歌生蒼莽
諸天形勝出縱橫吾儕懷古增歎歎片石須知載英氣巖腹
橋留玉帶名井齋泉飮中冷味更闌癡絕此探幽客路三千
始水郵點筆歸尋鷗畔夢平明鼓櫂向瓜州

夜泊揚州城外

淡烟漠漠月冥冥何處征塵響默鈴水上吳歌中夜起不堪
商婦倚篷聽

香草

香草靡蕪不可簪當門殘柳意蕭森冶紅流出隋隄水不盡
闌干曲曲心

六安溝寄懷澹淵宣城

小重山房初稿詩八

六

莽莽凍雲合寒生薄暮天人家雞上屋野岸獺窺船遠火明
官戍衰楊單水田一時爭夜泊急溜竟難前
萬籟條岑寂殘宵月似銀淤沙斜枕避荒柝小舟巡宛水懷
人遠前游翦燭頻蹉跎篷底話襍被又關津

車行運河南示荃士

大隄百折繞河滄一夜商聲畫角悲初旭天如紅韎鞞嚴霜
人盡白鬚眉平生捷徑甘同棄折節英風肯自卑笑指下邳
圯上路分明進履尚遺碑

荒雞唱曙幾人家土屋柴門整復斜晴雪沿汀蘘菝葦腥風
入市賤魚蝦凍流此後河防撤災賑頻年吏治嗟回首茱萸
山名在聯詠地無心重問舊籠紗

道旁三首

道旁香草半紅心飛絮天涯惹恨深常恐繫來青玉佩湘雲
湘月杳難尋

叩叩雙心宛宛歌遠山尚未埽青蛾多情肯負填詞手消受
紅兒捧硯窩

者番好夢手空攜三月春風盼馬蹄畧寓名花憐惜意不教
同聽汝南雞

德州晚渡荃士先行余獨後至

喚渡口云暮河流帶霧渾星光林角閃鴉影馬前翻天黑漸
無路人喧知有村勞勞穿望眼想爾爲停尊

趙北口憶弟

趙北衰楊夾道橫膠舟東合水無聲鄉心五夜生初月風色
三朝得老晴病鶴却隨花入夢乾魚猶破玉爲羹衝寒自笑

小重山房初稿

詩八

七

征裘敝櫂櫛鑪頭火正明

良鄉遇雪

破臘頭番試翦裁因風作絮舞徘徊眼花裝就千琪樹蹶鉄
鎔成萬玉杯遠馱祇愁樵徑失孤篷忽訝釣灘回關心畿輔
豐年兆付與村人疊鼓催

奉輓董文恭公

森森珠帛墮寒芒天上哀榮淚幾行下 詔親藩先 賜醜
迴鑿 聖主復臨喪 兩朝禮遇師資重一代清名相業光
直是昇平功翊贊故應崇祀位賢良

平生謨告 帝顏温垂耄明聰古佛尊故相當時猶後輩大
藩此日半通門養頤健未資荅草惜福甘還飮菜根廿載沙
隄無片畝帑金新拜內家恩

句臚金殿歷仙官宦海無波亦大難母訓常銘熊膽苦臣心
不爲虎鬚寒和羹人覺春風藹溫樹公真直節完軍國有時
容定策倚來磐石萬分安

絲綸一握與天參掌故 皇朝顧問堪耆望遠馳荒徼外人
文首采大江南書成繁露鴻裁仰畫到凌煙 廟算諳眼底
經文兼緯武不徒藻鑑濯空潭

詔書慰勞逐時頒宰職曾無一日瘳簫勺傳家騎都尉烟雲
入貢富春山遺孤四品加巍秩老壽中仙得大還 國史好
添良相傳分明伯仲富歐間

尚書宰木望蕭森未遂歸田甫脫簪郭令勛名翰簡靜魏公
器宇本深沉樛姿也入憐才格樾芘無非念舊心遠道遲看
經被殮河聲一夜獨沾襟

十一月廿一日行
至袁江始聞袁耗

小重山房初稿

詩八

八

除夜同芸泉松翠蘿丹仙館守歲

朝看飛霰對晴暉吉爆迎陽朔氣微除夜閒情詩是債平津
舊誼客如歸燒銓街巷笙誰炙讀畫屏山燭共圍

是夕芸泉
爲余補菊

屏菊
山圖

守歲知君應不寐早朝正待漏聲稀

己卯正月三日過黃左田師井西書屋觀歷年手畫歲
朝圖賦呈

連番賀歲畫圖間肯把桃符俗例刪柏葉椒華都在眼絲雞
蠟燕一開顏歸心蘿薜垂垂舊詩境蓬萊得得開六法全家
真特絕

哲嗣在軒昆
季俱善繪事

故應老壽拜衡山

問梅題竹自年年春在先生杖履邊大雪一天將進酒新詩
百疊小游仙常時點筆還嗤俗此後拈花欲叩禪我愛井簷
數間屋石闌要與古藤傳

和家柳泉農部扈從田盤三月十五夜偕同人重登古
中盤賞月原韻

萬翠路將盡松林挂月明馬前翻雪影足下走濤聲初地中
盤勝重游隔歲情老僧招共話了了此山程

極望平沙迴環山毳幕開捫厓蒼蘚裂罽寺白雲來
舊侶聯吟騎行廚出凍醅不知催曉角奇夜正徘徊

東星喬澹淵玉泉庵

無多吟伴慣招尋把酒難爲此夜心香艸春隨江水遠古槐
綠到寺門深看花眼被塵沙隔讀史胸防塊壘侵殘月寥天
愁漠漠有懷各自寄瑤琴

玉泉庵訪星喬澹淵不值

寥寥數客似殘僧異樣文章被鬼憎賃屋同居憐偏仄逢場

小重山房初稿詩八

九

一醉欲曹騰詩囊高束牀頭橐佛火昏依殿角鐙天意未應
擘握手曲闌干任百回憑

聞道臨池濕翠裾鍾王筆格竟何如入門雅具千番紙到枕

閒消一寸書述舊齋仍陶令署澹淵自署洞庭老屋買春錢爲沈郎釀

兩君爲沈弱侯拉往小飲沉沙折戟茫茫事笑爾空辜挂壁鋤星喬近于市上購鐵

鋤一云將攜歸種梅而亦未果也

題芸皋九里洲看梅圖用朱彥甫韻

驢背話殘雪梅花夢見之故山我負汝荷鍤歸來遲開圖白

迷濛雪色嚴江濬探芳九里洲春曉鳴鳩枝鷗鷺盡詩侶遙

和聲啞呖好天解人意設此畫景奇況乃敝客筵眷眷在別

離眼明姑射仙玉骨兼冰肌驚虬舞窠翩健鶴守勿疲十萬

浩香海烟水生夕姿使無華光筆又乏遺隱詞何以酬冬心

異時悔莫追花前三尺縑繪影多沈思古苔合岑契夙與山
靈期一醉萬花喜雪壓冠巾敲暗香覺漸溫不省風淒其昨
我來武林鄙札君手披君正樂斯游江水隔渺瀰遲我挂帆
至惜未杖策隨西湖復高會劇飲恣娛嬉無花有美人肥瘦
誰瑕疵縞袂易靚妝那厭傾千卮翠羽癯易醒羈縶緒方同茲
中年憶客舟聽雨一以悲諸子倘相問燕市緇塵吹炎天詠
寒花惟有花能知

市上書所見

豐臺芍藥花癡肥過牡丹喚賣向早市折枝露未乾亦有費
萬錢半日留花看
黃杏當青梅畧畧有酸意啖杏不論值核戒道旁棄還擲敗
筐中筐滿博重利

小重山房初稿詩八

十

丁丁冰蓋聲風日苦晴燥一盞復兩三渴驥飲當道嗟哉觸
熱人始覺清心好

橫雲山莊圖

吾郡九峯以橫雲山爲最山勢橫亘似之先從祖文敏
公陳奏高祖遺命置義田贍族追授少宰 詔建特祠
于山之下春秋遣官致祭族人咸在卽日分給義米歲
習爲常祠右依山結園竹木環而折而西石徑繚曲
循磴直上跨澗有橋宿雲庵蠹其前庵中尊經閣度藏
經卅架命僧守之蓋當時祖業之盛也至今齋額楹帖
皆文敏公手書園雖就荒而巒翠澗泉猶隱丹聖祥河
冠後始得展禮十年來南北奔馳僅兩與祠祭家山在
望眷眷于心茲與少迂袁君語及曩盛求爲作圖一以

申述德之慕一以寄望雲之思且失學自警他日得讀
書山中硯田爲業不負媿于伯孫也是則拳拳之私幸
已

杳杳橫雲山山亘斷雲互沈沈宿雲庵庵小吉雲護平嵐刷
遠黛蒼靄四圍布好花發春嬌黃葉賞秋暮選勝敞祠宇喬
木百年故及時遣祭來官舫迓前渡宗支入陪祀高義范莊
慕山前聞唱籌米數浮人數園丁供鶴糧溪叟上魚賦 賜
書佛日光梵夾辟千蠹吾祖通釋學慧業本天付豈惟擅八
法文字盡禪悟飛樓罩妙鬢奇石下甘露潺湲澗泉聲林罅
短橋度晴絲飄竹巾宿雨濺芒屨香火問僧衆我來亦云屢
平生出岫感佳節此羈寓展禮一以缺食舊動生懼楹書結
素心邁軸思小住天末寫歸雲飛挂江南樹

小重山房初稿 詩八

唐六如詩扇

觀空知謝綺羅場蝸角捫懷託短章一世才名驚婦孺半生
浪迹避藩王瀟陵芳草銜杯綠桃塢飛花覆塚香慧業故應
皈佛早黃金鑄錯淚千行

六月二日午橋太史過訪芸泉招同觀荷地安門外小
飲湖樓卽席有作

送花僧去朝扃戶初見紅衣來試舞遙想澄波十里香水佩
風裳正無數元方初日興高騫有客閒情本愛蓮溪路相邀
呼酒榼樓陰大好卸吟羈朱淩素藕堆伴貴白酒還教味鄉
味鰕菜餘芬此地饒江湖舊感良朋慰常年看葉復看花幾
度尋幽問釣家隄柳依依籠短堞野鳧故故戀晴沙前塵鏡
檻圍住麗驟雨歌成放新霽海子爭傳松雪篇越橋近接茶

陵第老魚吹浪燕穿梭風日清時洗綺羅
山色青連潭柘遠鐘聲曉傍景陽多
飛埃不到湖流淨翠蓋潮生搖萬柄飲馬
閒看錦障過賣漿巧借冰壺映碧筩
手捧碧瓏玲蟬午槐涼倚醉聽髣髴襟
痕烟水裏扁舟與爾話西泠

越日芸臯偕黃霽青太史徐秋士余鏡塘
孝廉復會湖樓余以他往未與晚歸遇雨
代嘲

吹來紫笛一樓清聽說詩人載酒行無
分看花偏看雨司空佳語大河橫

柬芸臯移寓

行具全攜酒半車巷門正對一溪水水
邊觴詠偏宜客畫裏亭臺合是家鄰蔭
當檐分寶樹仙姿引鏡盼紅霞湘絲定
識團欒話題徧徧雙聲韻字紗

小重山房初稿詩八

十一

蓮花生日霽青招同芸臯午橋暨黃小舟
許青士程雲芬三編修張南山孝廉復會
湖樓

一葉一如來空明色界開爲花今日壽
招客卯時杯十剎尋初地西涯憶舊隈
肯教槃敦冷高會盡詩才

頭番花信早我已兩登樓鼇竦三天曉
菰蒲六月秋綠誰芟古柳紅定笑閒鷗
徑欲乘湖水傾尊洗暮愁

寓齋雜詩

前軒面北開風至披襟受爲愛槐棗陰
後更敞南牖硯池綠生波涼潤絕纖垢
秋來淡句雨酣意人中酒卷簾香在鈞
掃徑水盈帚平生嗜茶癖早設貯雨甌
鑪烟有餘青牆角積苔厚微聞鳥啄響
茶熟呼我友

井垣見牽牛深翠劇可喜白花綴數鈿
曉光澹于水縛蘆支

一架柔蔓得所倚金風拂機絲裊素手理花開薄清晨稍
晚花輒已北人工比喻呼作勤娘子嗤余看花者幾日亦早
起

舊吟慨東閣詩成復誰賞沙隄日正長稀聽雷轂響北風與
雲漢世態一俯仰垂翅借昔枝屋烏我心嚮當路縱招致屏
迹畏塵網佛言觀自在古月揭高朗昨宵夢梅花幽香滿書
幌

朝讀玉川詩傷哉直鈞吟三十不行道持竿毛髮侵餌名古
所賤曲直憑寸鍼吾家圓泖上水竹環清森小年釣游地初
志猶可尋何爲跼塵中蘿薜空題襟止止勿復言魚腹傳歸
心

客夜最怕聞寺鐘與鄰笛笛聲淒以清鐘聲警以寂秋來添

小重山房初稿

詩八

三

夜雨打窗復浙瀝昏蛾赴鐙燭殘漏下三商蕭蕭幾陣過餘
響賸檐滴此際助歎嗟吟蟲滿四壁我獨起呼酒爛醉與愁
敵那能效兒女弄態長慘感雷公喚阿香天半飛霹靂潤礎
久鬱蒸快哉柱一擊前林鬼車烏月黑墮鳴鐺

齋壁挂素琴冰絃久不張瑤軫更無着脫落隨錦囊沃水拭
塵網斷漆生輝光署名老趺手篆刻龍池旁撫茲古桐材棄
置行自傷及時亟修理完好彈清商慨余味真傳奚止三日
荒絕調彈不成大海情茫茫先世幻花翁指法稱最良一奏
洞天曲庭鶴真徠翔百年仰詞宗舊隱蘊鱸鄉希聲源清越
的派懷滄涼望望青溪雲機事何由忘蒼髯向西笑落子堆
空牀

書畫萃所歡真贗判以目潭潭相公府兩世富收蓄往年乞

清服俾出千卷軸十日得縱觀消受是眼福間余有神會摹
借本可縮硬痕楮貴堅皴法管宜禿竇從盡能事延賞忘去聲
昏夙茲來拜清暉愴昔知已獨尺嫌有遺贈花果陳道復捧
卷不忍開思公淚盈掬

南來六月書中夏多陰霖氣候一日間涼暑相侵尋北方苦
炎熱偏甚三伏金邇時始行雨漸至秋意深游子拜起居一
月一寄音一音偶阻修堂上懸懸心

送午橋蓉臺典試山右

早時文采攬蓬瀛難得星輶並轡行三晉前緣桃李蔭十年
同譜弟兄情兩君已同年雲山爭羨題襟好苕藻應知對鑑清奉
使朝辭 丹陛出 帝心簡命若爲并

華確天門驛路長後先負弩速輕裝河流西望通汾水山氣

小重山房初稿詩八

古

東來亘太行校士才原推二妙丙子分校北開看花宴好就重陽秋
霖一夕開新霽祖帳金風滿意涼

瑤想

瑤想都歸水鏡空星筵記聽玉丁東脂痕特爲情留豔花貌
誰教病減豐芳草相思裙一碧春鐙自語豆雙紅博山鑪畔
迢迢夢心篆無由隔霧通

四條絃上別愁兼窄袖前番見玉尖綵縷親纏延喜玉瓊鈎
替下却寒簾披襟無力春風怯窺戶多情夜月織儂數花時
驚隔歲西飛難定燕巢占

輓劉五種木

瓊枝第五折蘭葢瞥眼曇華一現中時命長沙悲鵬鳥文章
昌谷哭秋風玉樓天上才名誤丹竈人間藥理窮悽絕燕臺

連夜雨殯帷小寄梵王宮

輕筆元經痛最長
南天噩夢倚闌望
鏡中新恨鸞分影
江上秋聲雁斷行
至性一腔臨訣淚
浮生幾樹返香
憶從問字聯岑契
薤露何堪託短章

送霽青同年出守廣信

萬荷花裏乍銜盃
祖道忝忝五馬催
近浙天從迎養便
過江人望濟時才
文安舊學鷺湖在
庾守賢聲石室開
官職神仙詩世界
焚香飽看玉山來

江湖舊雨滿春明
黃九登壇一座傾
千佛才名金殿貴
八番使節玉壺清
幾年古屋磚移晷
寓居磚兒街
良夜中秋月送行
載筆慣修循吏傳
故應懷抱繫蒼生

小重山房初稿

詩八

五

10176

